

Prifysgol Wreccsam Wrexham University

Canllaw Myfyrwyr 2023-24

Canllaw hanfodol i reoliadau, polisiau, a gweithdrefnau
Prifysgol Wreccsam

Y Canllaw Myfyrwyr	
Adran	Cynllunio Strategol a Gweinyddiaeth Myfyrwyr
Awdurdodwyd Gan:	Cyfarwyddwr Cynllunio Strategol a Gweinyddiaeth Myfyrwyr
Mae'r ddogfen hon wedi'i bwriadu ar gyfer ei chyhoeddi ar-lein a phan gaiff ei hargraffu ni fydd modd ei rheoli. Dylai myfyrwyr gyfeirio at dudalen eu rhaglen VLE ar gyfer y fersiwn ddiweddaraf.	

Mae'r ddogfen hon ar gael yn Saesneg hefyd / This document is also available in English.

CYNNWYS

Cyflwyniad.....	4
Rheoliadau Academaidd	5
Apeliadau Academaidd.....	5
Calendr Academaidd	6
Aseidiadau ac Arholiadau	6
Aseidiadau ac Anghenion Unigol	6
Ymgysylltu Academaidd, Absenoldeb a Salwch	7
Uniondeb Academaidd	7
Monitro Presenoldeb Myfyrwyr Rhyngwladol.....	8
Bwlio.....	9
Bwrsariaethau	9
Cyfathrebu gyda Myfyrwyr.....	9
Cwynion	9
Y Gwasanaeth Datgelu a Gwahardd (DBS).....	10
Diogelu Data	10
Y Tîm Gweinyddiaeth Myfyrwyr.....	10
Ymrestru.....	11
Cyfle Cyfartal	12
Cymeradwyaeth Foesebol ar gyfer Prosiectau Ymchwil neu Draethodau Hir Lefel 6	12
Estyniadau i Waith Cwrs.....	12
Amgylchiadau Esgusodol	13
Ffioedd a Chyllid	15
Adborth ar Waith wedi'i Asesu.....	15
Graddio	15
Aflonyddwch a Bwlio	16
Iechyd a Diogelwch.....	16
Cerdyn Adnabod.....	17
Yswiriant.....	18
Hawliau Eiddo Deallusol	18
Gwasanaethau TG.....	18
Cyflwyno aseiniadau yn hwyr neu beidio â'u cyflwyno	19
Cyfleusterau'r Llyfrgell	19
Sgiliau Dysgu	20
Camymddwyn	20
Cofrestru ar Fodiwl	22
Dysgu ar-lein - offer, arweiniad ac ymddygiad.....	22
Cosb am Fynd Dros y Nifer Geiriau	23
Beichiogrwydd, Mamolaeth, Mabwysiadu a Gofalwr Eilradd (Tadolaeth) Myfyrwyr	23
Sicrhau Ansawdd ac Ymglymiad Myfyrwyr	24
Cydnabyddiaeth o Ddysg Flaenorol	25
Cyfyngau Cymdeithasol	25
Ffynonellau gwybodaeth, cymorth ac arweiniad.....	26
Siarter Myfyrwyr	28
Gwobrau Myfyrwyr.....	28
Cofnodion Myfyrwyr	28

Cyflwyno Aseiniadau Gwaith Cwrs.....	29
Addasrwydd i Ymarfer	29
Atal astudiaethau	29
Amserlenni	29
Turnitin	30
Myfyrwyr Cymraeg.....	30
Waeth beth fo iaith addysgu modiwl, mae gan yr holl fyfyrwyr yr hawl i gyflwyno'r holl waith ysgrifenedig ac arholiadau yn Gymraeg. Os yw'n well gennych gael eich asesu yn Gymraeg, dylech gysylltu ag Arweinydd eich Rhaglen a fydd yn gallu trafod hyn gyda chi. Polisi Tynnu'n Ôl	30

Cyflwyniad

Mae'r Canllaw yn egluro'r rheoliadau, polisiau a gweithdrefnau sy'n berthnasol i agweddau penodol ar eich bywyd a gwaith fel myfyriwr Prifysgol. Er enghraifft, mae'n dweud wrthyhch lle gallwch ddod o hyd i'r rheoliadau sy'n rheoli sut caiff arholiadau ac asesiadau eu cynnal. Er hwylustod, mae'r ddogfen wedi'i strwythuro yn ôl trefn y wyddor.

Drwy ddod yn fyfyrwr ym Mhrifysgol Wreccsam, rydych i bob pwrpas wedi ymgymryd â chytundeb, neu gontract, gyda'r Brifysgol. Yn y cytundeb hwn, fel myfyriwr, rydych yn ymrwymo i weithredu yn rhesymol a glynu wrth reoliadau a pholisiau penodol.

Yn yr un modd, mae'n amlinellu lle gallwch ddod o hyd i reoliadau'r Brifysgol, a beth mae'r Brifysgol yn ei ddisgwyl gennych chi. Yn ogystal, mae'n ymdrin â'r weithdrefn gwynion, felly os oes gennych gŵyn ynghylch y ffordd mae'r Brifysgol wedi ymddwyn, byddwch yn ymwybodol o sut i ddod o hyd i'r broses a sut i'w defnyddio.

Fodd bynnag, rhaid i chi gofio mai Canllaw yw hwn. Nid yw'n bosibl iddo grynhoi rheoliadau eithaf cynhwysfawr a chymhleth. Mae'n dweud wrthyhch lle cewch gopïau o'r rheoliadau a'r dogfennau llawn a lle i fynd am gymorth i'w deall a sut maent yn effeithio arnoch chi a'ch astudiaethau. Mae'n bwysig eich bod yn darllen y dogfennau hyn gan y byddant yn eich arwain drwy'r rheoliadau, polisiau, gweithdrefnau a phrosesau angenrheidiol y byddwch yn dod ar eu traws yn ystod eich cyfnod ym Mhrifysgol Wreccsam.

Bydd y [porth MyUni](#) ar fewnrwyd y myfyrwyr hefyd yn eich caniatáu chi i gael golwg ar sut mae ein gwasanaethau cefnogi wedi'u trefnu, beth mae pob gwasanaeth yn ei gynnig a'i leoliad, fel y gallwch ddefnyddio'r gefnogaeth a'r arweiniad sydd ei angen arnoch. Y tudalennau [Cymorth Myfyrwyr](#) yw'r lle gorau i fynd i gael yr holl wybodaeth yn y canllaw hwn. Gellir dod o hyd i'r holl bolisiau, gweithdrefnau, ffurflenni a chanllawiau cymorth y cyfeirir atynt yn y canllaw hwn yn Cymorth Myfyrwyr, Gweinyddiaeth Myfyrwyr.

Mae'r Brifysgol hefyd yn adolygu a diweddarau ei rheoliadau, polisiau a gweithdrefnau o bryd i'w gilydd, fel rhan o'i hymrwymiad i wella eich profiad myfyriwr yn barhaus. Fel rheol, mae newidiadau yn berthnasol i'r holl fyfyrwyr cyfredol ar unwaith, heblaw am ffioedd dysgu, sydd fel arfer yn cael eu pennu ar ddechrau eich cwrs ar gyfer eich cwrs cyfan. Dylai'r dogfennau unigol nodi pryd y cawsant eu cymeradwyo, ac i ba fyfyrwyr maent yn berthnasol. Mae fersiynau blaenorol ar gael ar gais.

Mae Prifysgol Wreccsam yn ymrwymedig i sicrhau cyfle cyfartal i bawb. Os yw unrhyw bolisi'r Brifysgol yn cyflwyno problem mewn perthynas â hyn, dylech geisio cyngor gan y [Tîm Cymorth Myfyrwyr](#) neu gan aelod priodol o staff fel y gellir trafod newidiadau addas.

Rheoliadau Academaidd

Mae Rheoliadau Academaidd y Brifysgol yn darparu'r fframwaith ar gyfer cynnal ei gweithgareddau academaidd. Maent yn rheoli materion megis derbyn, ymrestru ac asesu. Mae'r Rheoliadau Academaidd yn cynnwys nifer o adrannau, gan gynnwys Rheoliadau Cyffredinol, Rheoliadau Dyfarnu a Chynnal Asesiadau ac Arholiadau.

Cynghorir chi yn gryf i gynefino eich hun gyda'r rheoliadau hyn, sydd ar gael drwy'r Porth Myfyrwyr. Dylech gyfeirio at y rheoliadau dyfarnu penodol ar gyfer eich rhaglen i gael rhagor o wybodaeth ynglŷn â sut caiff dosbarthiad eich gradd ei bennu. Mae'r rheoliadau sy'n rheoli strwythur a chynnwys y rhaglenni astudio unigol a'r dyfarniadau a gynigir gan y Brifysgol ar gael ym manyleb y rhaglen berthnasol. Yn ogystal, mae adrannau yn darparu llawlyfrau i fyfyrwyr sy'n nodi gwybodaeth benodol ynglŷn â'r rhaglen unigol – er enghraifft, pa fodiwlau y mae'n rhaid i chi ymgymryd â nhw bob blwyddyn, sawl credyd modiwlau y mae'n rhaid i chi lwyddo ynddynt etc. Rhaid i chi sicrhau eich bod wedi darllen y llawlyfr perthnasol i'ch rhaglen.

Apeliadau Academaidd

Mae gan y Brifysgol bolisi sy'n amlinellu sut i ymgymryd ag apêl academaidd, pan ddymuna myfyriwr apelio yn erbyn penderfyniad Bwrdd Asesu. Er mwyn apelio, rhaid i chi gael rheswm da a digon o dystiolaeth i gefnogi'ch cais; nid yw anghytuno â'ch marciau yn cyfrif fel rheswm dros apelio gan fod hyn yn cwestiynu 'beirniadaeth academaidd'.

Dyma'r rhesymau dros apelio:

- Roedd camgymeriadau neu anghysondebau gweithredol wrth gofnodi, trawsgrifio a/neu adrodd canlyniadau;
- Profwyd diffygion/ anghysondebau o ran cymhwyso'r Rheoliadau Academaidd yn ystod y Bwrdd Dyfarnu/Cynnydd a allai fod wedi effeithio'n negyddol ar y canlyniad a gofnodwyd;
- Tuedd neu ganfyddiad o duedd;
- Roedd y myfyriwr dan amgylchiadau esgusodol a allai fod wedi effeithio'n negyddol ar ei berfformiad ac mae rheswm da pam na chafodd yr amgylchiadau esgusodol eu cyflwyno yn unol â'r Weithdrefn Amgylchiadau Esgusodol, cyn y Bwrdd Dyfarnu/Cynnydd;
- Diffygion/anghysondebau yng nghyfansoddiad y panel viva voce (ar gyfer graddau Ymchwil) ac mae rheswm da pam na chafodd y diffygion/anghysondebau eu hadrodd cyn i'r bwrdd perthnasol wneud y penderfyniad.

Pe dymunech apelio, bydd rhaid i chi wneud hynny cyn pen 10 diwrnod gwaith o gyhoeddi'r canlyniadau. Dylid nodi nad yw cyflwyno apêl yn golygu y bydd yn cael ei derbyn yn awtomatig. Os nad yw'n bodloni un o'r rhesymau a nodwyd uchod neu os nad oes unrhyw dystiolaeth ategol, ni fydd yn cael ei symud ymlaen. Mae cyngor ac arweiniad pellach ar gael gan [Ganolfan Gyngor Undeb y Myfyrwyr](#), a gallwch anfon e-bost atynt:

suadvice@glyndwr.ac.uk

Mae'r polisi llawn a'r ffurflen ar gael gan Cymorth Myfyrwyr, Gweinyddiaeth Myfyrwyr.

Calendr Academaidd

Mae'r Brifysgol yn gweithredu o fewn fframwaith semester. Mae gan bob semester wythnosau wedi'u neilltuo ar gyfer addysgu ac arholiadau'r Brifysgol ac mae'n adlewyrchu'r wythnosau lle mae disgwyl i fyfyrwyr ymgysylltu â gweithgarwch addysgu a dysgu. Yn dilyn hyn mae blociau o wythnosau ar gyfer prosesau'r bwrdd asesu i bennu cynnydd myfyrwyr a chanlyniadau dyfarnu. Yn ogystal, mae'n bosibl bod gan fyfyrwyr ragor o weithgareddau yn ystod cyfnod yr haf, a all gynnwys addysgu, ail-asesu, traethodau hirion cyrsiau ôl-raddedig a addysgir neu wyliau, yn dibynnu ar y rhaglen. Mae'r calendr academaidd cyhoeddedig hefyd yn cynnwys dyddiadau cau, cyfnodau o wyliau'r Brifysgol a dyddiadau tymor y Cwmni Benthyciadau Myfyrwyr.

Mae'r Calendr Academaidd ar gael ar yr adran [amserlenni](#) ar y Porth MyUni

Asesiadau ac Arholiadau

Gellir cael asesiadau ar ffurf gwaith cwrs, prosiectau, profion yn y dosbarth ac arholiadau ac mae pob rhaglen yn defnyddio dulliau asesu gwahanol sy'n cyd-fynd â'r cwrs. Mae'r wybodaeth sydd ei hangen arnoch ynglŷn ag asesiadau, gan gynnwys teitlau a dyddiadau cyflwyno, ar gael yn llawlyfr eich rhaglen. Mae rheoliadau asesu'r Brifysgol ar gael ar y Porth Myfyrwyr yn yr adran Gweinyddiaeth Myfyrwyr.

Ar gyfer rhai cyrsiau, bydd disgwyl i chi ymgymryd ag arholiadau ffurfiol ar ddiwedd pob semester. Cyhoeddir yr amserlen arholiadau bedair wythnos cyn yr arholiadau a dylai amserlen unigol fod ar gael ar [y dudalen amserlenni](#)

Gall dyddiadau arholiadau ar gyfer rhaglenni proffesiynol a safleoedd partner fod yn wahanol a chânt eu darparu gan arweinydd eich rhaglen.

Os oes angen trefniadau arbennig arnoch ar gyfer arholiad neu brawf yn y dosbarth, bydd y Brifysgol yn gwneud addasiadau rhesymol i drefniadau asesu lle maent wedi'u hawgrymu gan aseswr anghenion dysgu cymeradwy. Am ragor o gyngor ar hyn, dylech gysylltu â'r Gwasanaethau Cynhwysiant.

Mae rheolau llym mewn perthynas ag ymddygiad yn ystod arholiadau ac mae'r rhain ar gael yn Rheoliadau Asesu'r Brifysgol.

Asesiadau ac Anghenion Unigol

Mewn achos o anabledd neu anghenion unigol, mae'n bosibl y byddwch yn gymwys am drefniadau asesu arbennig, lle gallwch ddangos y byddai eich perfformiad yn cael ei gyfyngu gan y dull asesu sydd i'w ddefnyddio. Gall trefniadau arbennig gynnwys rhagor o amser, rhywun i ysgrifennu drosodd chi (ysgrifennydd) neu ddefnyddio cymhorthion a chyfarpar arbennig. Dylech drafod gydag arweinydd eich rhaglen yn y lle cyntaf. Mae rhagor o wybodaeth ar gael gan Cymorth Myfyrwyr, Gwasanaethau Cynhwysiant.

Ymgysylltu Academaidd, Absenoldeb a Salwch

Mae'r Brifysgol yn monitro ymgysylltiad yr holl fyfyrwyr â gweithgareddau dysgu. Mae hyn yn helpu'r Brifysgol i adnabod a chynnig cefnogaeth i fyfyrwyr nad ydynt yn ymgysylltu â'u hastudiaethau. Mae disgwyl i chi ymgysylltu'n weithredol â'ch rhaglen astudio drwy baratoi a mynd i sesiynau wedi'u hamserlennu, ymgysylltu â'r holl weithgarwch dysgu, paratoi ar gyfer arholiadau, cymryd rhan weithredol yn nhiwtorialau, seminarau a gwaith grŵp, a gwneud eich gorau glas mewn aseiniadau. Os nad ydych yn dangos ymgysylltiad â'ch astudiaethau, bydd tîm eich rhaglen yn anelu at gysylltu â chi i drafod unrhyw bryderon. Gall diffyg ymgysylltiad parhaus â'ch astudiaethau olygu y byddwch yn cael eich tynnu oddi ar y rhaglen fel y nodir yn y Polisi Ymgysylltu Academaidd Myfyrwyr sydd ar gael yn Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Os ydych yn absennol yn ystod eich astudiaethau, rhaid i chi hysbysu'r Brifysgol drwy fewnbynnu manylion yr absenoldeb ar y porth hunan wasanaeth. Mae manylion sut i wneud hyn ar gael yn y [canllaw adrodd ar absenoldebau myfyrwyr](#). Os nad ydych yn rhoi gwybod i'r Brifysgol, mae'n debygol y bydd ymchwiliad i'ch absenoldeb yn unol â Pholisi Ymgysylltiad Academaidd Myfyrwyr y Brifysgol. Os ydych yn absennol am fwy na phum diwrnod yn olynol, yna bydd angen i chi gysylltu ag absences@glyndwr.ac.uk a rhoi tystiolaeth megis llythyr gan feddyg neu ymarferydd meddygol. Noder ni allwch ddefnyddio ffurflen wedi'i hunan-ardystio ar gyfer y sefyllfaoedd canlynol:

- Tystiolaeth o amgylchiadau esgusodol
- Os ydych yn absennol o arholiad
- Os ydych yn absennol am brawf neu ffurf asesu arall sydd werth dros 10% o farc eich modiwl
- Os hoffech estyniad i ddyddiad cau
- Os ydych yn cael mwy na dau gyfnod o salwch o fewn un semester

Os byddwch yn mynd yn sâl tra eich bod ar leoliad gwaith, rhaid i chi hysbysu'ch unigolyn cyswllt yn y lleoliad gwaith yn ogystal â'ch tiwtoriaid yn y Brifysgol. Mae rhagor o wybodaeth ynglŷn â hyn ar gael yn llawlyfr eich rhaglen.

Os na allwch ymgysylltu â'ch rhaglen am gyfnod o amser, er enghraifft, yn sgil salwch neu argyfwng, yna rhaid i chi gysylltu ag Arweinydd eich Rhaglen er mwyn ei wneud yn ymwybodol o'r sefyllfa. Mae'n bosibl y cynghorir chi i atal eich astudiaethau nes eich bod mewn sefyllfa i ymgysylltu'n llawn â'r rhaglen.

Uniondeb Academaidd

Mae'r Brifysgol yn disgwyl i'r holl staff a myfyrwyr weithredu gyda'r safonau uchaf o ran uniondeb academaidd a chyflwyno gwaith eich hun heb ei gopïo/heb ei briodoli i eraill. Gelwir hyn yn camymddwyn academaidd, a gall fod ar amrywiaeth o ffurfiau. Mae gan y Brifysgol weithdrefn a chanllaw ar Uniondeb Academaidd, sydd ar gael yn yr adran Cymorth Myfyrwyr, Gweinyddiaeth Myfyrwyr, dan Polisiâu a Gweithdrefnau sy'n amlinellu hyn yn fanwl, ac yn cynnwys:

Llên-ladrata: defnyddio geiriau neu syniadau unigolyn arall heb gydnabyddiaeth a'u cyflwyno i'w hasesu fel pe baent yn waith eich hun.

Hunan Lên-ladrata/Ailddefnyddio eich gwaith eich hun: Ailddefnyddio gwaith yr ydych eisoes wedi ei gyflwyno ar gyfer asesiad arall un ai o fewn y Brifysgol neu mewn sefydliad arall

Cytundebu gyda thrydydd parti i ysgrifennu darn o waith: unrhyw gamau sy'n ymwneud â thrydydd parti (h.y. cyd-fyfyriwr, ffrind neu aelod o'r teulu) sy'n ymgymryd â gwaith ar eich rhan. Mae hyn hefyd yn cynnwys deunyddiau a gyrchwyd o safleoedd traethodau masnachol, yn ogystal â defnydd o ddeallusrwydd artifisial megis ChatGPT, heb ei awdurdodi, er mwyn creu cynnwys a fyddwch yn ei gyflwyno heb gydnabod ei ddefnydd

Cyd-dwylo: gall hyn ddigwydd pan mae myfyrwyr yn gweithio gyda'i gilydd ar ddarn o waith ac yn cyflwyno aseiniadau sy'n cynnwys adrannau union yr un fath neu'n debyg iawn. Mae asesiadau wedi'u dylunio i brofi eich dysg **eich hun** a phan gaiff darnau o waith tebyg eu cyflwyno, mae'n anodd dweud pwy sy'n berchen ar y gwaith. Mae caniatáu i rywun gopïo eich gwaith yn drosedd felly gall awdur gwreiddiol y gwaith a'r copïwr wynebu cosb. Peidiwch â rhannu eich gwaith gydag unrhyw un na gadael eich gwaith ar ffurf copi caled neu ar sgrin eich cyfrifiadur neu ar USB i eraill ei weld.

Camarfer Arholiadau: cyflwyno unrhyw ddeunyddiau anawdurdodedig fel llyfr, llawysgrif, data neu bapurau rhydd i ystafell arholi/arholiad ar-lein, neu wybodaeth a geir drwy unrhyw ddyfais electronig.

Mae'r Brifysgol yn cymryd yr holl achosion o gamymddwyn academaidd o ddifrif a lle drwgdybir bod achos o hynny, bydd ymchwiliad yn cael ei gynnal. Mae amrywiaeth o gosbau y gellir eu rhoi i fyfyrwyr sydd wedi torri'r rheolau hyn, yn dibynnu ar ddifrifoldeb yr achos. Gall hyn gynnwys terfynu eich astudiaethau.

Os cyflwynir honiad o gamymddygiad academaidd yn eich erbyn, yna rhaid i chi ddarllen y gweithdrefnau y bydd y Brifysgol yn eu dilyn, er mwyn i chi fod yn ymwybodol o'ch hawliau a chyfrifoldebau. Mae'r weithdrefn yn cynnwys 'gwrandawriad'. Os cewch eich hun mewn sefyllfa lle'r ydych wedi'ch cyhuddo o gamymddygiad academaidd, cynghorir chi i fynychu'r gwrandawriad i roi eich adroddiad chi o'r digwyddiad, neu gyflwyno'r amgylchiadau yr arweiniodd atoch yn torri safon yr ymddygiad academaidd sy'n ofynnol. Os ydych wedi cael eich cyfeirio am gamymddwyn academaidd, gallwch gysylltu ag Undeb y Myfyrwyr am gyngor a chefnogaeth drwy suadvice@glyndwr.ac.uk

Os nad ydych yn sicr beth yw llên-ladradd, neu sut i gydnabod gwaith rhywun arall drwy gyfeirio yn gywir, yna dylech siarad â'ch tiwtor neu unigolyn cyswllt yn y Tîm Sgiliau Academaidd drwy Cymorth Myfyrwyr, Sgiliau Dysgu lle byddwch hefyd yn gweld canllawiau ar gyfeirio.

Monitro Presenoldeb Myfyrwyr Rhyngwladol

Mae'r Brifysgol yn noddwr Fisa Myfyriwr ar gyfer myfyrwyr rhyngwladol sy'n dod i'r DU i astudio dan System yn Seiliedig ar Bwyntiau Fisâu a Mewnfudo'r DU. Dan ofynion deddfwriaeth Fisâu a Mewnfudo'r DU, mae dyletswyddau'r Brifysgol yn cynnwys monitro ac adrodd presenoldeb ychwanegol ar gyfer yr holl fyfyrwyr rhyngwladol sydd wedi cael nawdd fisa.

Bydd Myfyrwyr Rhyngwladol nad ydynt yn cydymffurfio â'r holl ofynion ymgysylltu academaidd yn cael eu tynnu'n ôl oddi ar eu rhaglen a bydd y Brifysgol yn hysbysu adran Fisâu a Mewnfudo'r DU nad yw'r myfyriwr yn fyfyriwr a noddir.

Gall diffyg ymgysylltiad parhaus â'ch astudiaethau olygu y byddwch yn cael eich tynnu oddi ar y rhaglen fel y nodir yn y Polisi Ymgysylltu Academaidd Myfyrwyr sydd ar gael yn Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Bwlio

Gweler yr adran ar [Aflonyddu a Bwlio](#) yn y Canllaw hwn.

Bwrsariaethau

Mae manylion y bwrsariaethau hyn wedi'u cynnwys yn adran [Ffioedd a Chyllid](#) y Canllaw hwn.

Cyfathrebu gyda Myfyrwyr

Bydd y Brifysgol yn rhoi cyfrif e-bost Prifysgol i fyfyrwyr a fydd yn cael ei ddiogelu a'i gynnal yn briodol a bydd ar gael drwy gydol eich astudiaethau.

Bydd y Brifysgol yn defnyddio cyfrifon e-bost Prifysgol y myfyrwyr i gyfathrebu gwybodaeth bwysig gyda chi. Felly, mae gofyn i chi wirio'r cyfrif e-bost o leiaf dwywaith yr wythnos a chynghorir chi i'w wirio yn fwy rheolaidd ar gyfer gohebiaeth gan y Brifysgol. Chi sy'n gyfrifol am sicrhau bod eich cyfrif e-bost Prifysgol yn parhau i fod yn weithredol. Os nad ydych yn gwybod sut i gael mynediad at eich cyfrif e-bost Prifysgol, cysylltwch â'r Ddesg Gymorth TG (ewch i Cymorth Myfyrwyr am wybodaeth)

Os oes well gennych ddefnyddio cyfrif e-bost personol, bydd y Brifysgol yn eich cynghori am sut i anfon negeseuon ymlaen o gyfrif y Brifysgol i'ch cyfrif personol. Serch hynny, rhaid i chi ddefnyddio eich cyfrif e-bost Prifysgol o leiaf bob chwe mis i sicrhau ei fod yn parhau i fod yn weithredol.

Os nad ydych yn gwirio eich cyfrif e-bost yn rheolaidd, gallwch fethu gwybodaeth bwysig ynglŷn â'ch rhaglen, gan gynnwys digwyddiadau a chyfleoedd, darlithoedd neu seminarau wedi'u canslo, ac asesiadau. Ni fydd y Brifysgol yn gyfrifol am i chi golli gwybodaeth sydd wedi'i hanfon i'ch cyfrif e-bost Prifysgol.

Cwynion

Mae yna nifer o ffyrdd y gallwch godi unrhyw bryderon sydd gennych ynglŷn â'r Brifysgol neu'r gwasanaeth a gynigir (gweler yr adran Sicrwydd Ansawdd ac Ymglymiad Myfyrwyr). Gellir datrys y rhan fwyaf o gwynion yn rhwydd ac anffurfiol drwy eu trafod â'r aelod o staff perthnasol ac argymhellwn i chi geisio datrysiad anffurfiol cyn gynted ag y profwch broblem. Fodd bynnag, os nad yw datrysiad anffurfiol yn bosibl, yna dylech gyfeirio at Weithdrefn Gwynion Myfyrwyr ar y Porth Myfyrwyr yn Gweinyddiaeth Myfyrwyr. Dylai myfyrwyr geisio cymorth gan Ganolfan Gyngor Undeb y Myfyrwyr lle gall ymgynghorydd gynnig cefnogaeth

ar y cam Anffurfiol, trafod yr opsiynau sydd ar gael a rhoi arweiniad ynglŷn â'r Weithdrefn Gwynion Myfyrwyr. Dylai myfyrwyr sy'n astudio mewn sefydliadau partner ddilyn polisi cwyno'r partner yn gyntaf.

Y Gwasanaeth Datgelu a Gwahardd (DBS)

Mae rhai rhaglenni yn y Brifysgol, yn arbennig y rheiny sydd ag elfennau proffesiynol neu leoliadau gwaith, yn ei gwneud yn ofynnol i chi ymgymryd â gwiriad DBS. Lle mae hyn yn angenrheidiol, **ni ellir cwblhau eich ymrestriad nes i'r Brifysgol gael canlyniad eich gwiriad DBS ac ni fyddwch yn gallu ymgymryd ag unrhyw leoliadau gwaith proffesiynol nes bod y gwiriad DBS wedi'i gwblhau.**

Diogelu Data

Mae'r holl wybodaeth yr ydym yn ei chasglu amdanoch chi yn cael ei thrin o fewn darpariaethau Deddf Diogelu Data 1998 a'r Rheoliad Cyffredinol ar Ddiogelu Data 2018. Rydym yn defnyddio eich gwybodaeth ar gyfer gweinyddu eich cynnydd drwy eich astudiaethau, eich darparu chi â gwasanaethau cefnogi angenrheidiol, a'ch hysbysu am raglenni neu wasanaethau eraill gan Brifysgol Glyndŵr Wrecsam a all fod o ddiddordeb i chi. Mae'n bosibl y bydd gofyn i ni anfon peth o'r wybodaeth a gedwir gennym amdanoch chi at nifer o sefydliadau eraill.

Mae'r [Datganiad Preifatrwydd Myfyrwyr](#) yn cynnig gwybodaeth ynghylch y defnydd o 'wybodaeth bersonol' pan fyddwch yn dechrau dangos diddordeb mewn dod yn fyfyrwr yng Nglyndŵr, tra eich bod wedi cofrestru/ymrestru fel myfyrwr ym Mhrifysgol Glyndŵr ac ar ôl i chi raddio.

Y Tîm Gweinyddiaeth Myfyrwyr

Os ydych yn fyfyrwr ar gampws Wrecsam, gall [Gweinyddiaeth Myfyrwyr](#) ddarparu cymorth a chynghor ar weinyddiaeth eich rhaglen, ochr yn ochr â'ch tiwtoriaid. Os ydych yn astudio un o'n rhaglenni ar-lein PGW, byddwch hefyd yn cael eich cefnogi gan ein Cydlynwyr Llwyddiant Myfyrwyr.

Dylech gysylltu â'r tîm Gweinyddiaeth Myfyrwyr os:

- Hoffech wneud cais am ystyriaeth amgylchiadau esgusodol mewn perthynas ag unrhyw asesiad (dylech drafod hyn gydag arweinydd eich rhaglen yn gyntaf). Gellir dod o hyd i ragor o wybodaeth ynghylch sut i wneud cais am amgylchiadau esgusodol o fewn y canllaw hwn.
- Oes gennych ymholiadau'n ymwneud â byrddau asesu / canlyniadau / rheoliadau academiaidd
- Rydych yn ceisio am estyniad i'ch cyfnod cofrestru

- Oes newidiadau i'r hyn yr ydych yn ei astudio, gan gynnwys newid modiwl, newid rhaglen, newid eich dull presenoldeb (rhan amser i lawn amser neu fel arall), a rhaid i'r cwbl fod wedi'i awdurdodi gan arweinydd eich rhaglen yn gyntaf.
- Oes yna newidiadau i'ch enw (bydd angen i chi ddod â thystiolaeth o hyn i ni, e.e. tystysgrif briodas neu awdurdod gweithred newid enw).

Gall y tîm Gweinyddiaeth Myfyrwyr ddarparu canllawiau ynglŷn â'r gwaith papur angenrheidiol a'ch cynorthwyo / cyfeirio'n unol â hynny ar y rhan helaethaf o faterion mewn perthynas â'ch taith myfyriwr. Sicrhewch eich bod yn cynnwys eich enw llawn a rhif myfyriwr gyda phob gohebiaeth â Gweinyddiaeth Myfyrwyr: studentadministration@glyndwr.ac.uk

Os ydych yn fyfyriwr yn un o'n colegau partner, bydd gwaith dyddiol gweinyddiaeth myfyrwyr yn cael ei gyflawni'n lleol.

Ymrestru

Mae ymrestru yn bwysig oherwydd mae'n cadarnhau'n ffurfiol eich bod ynghlwm â rhaglen ac mae'n eich darparu â hawl i ddefnyddio cyfleusterau Prifysgol Glyndŵr Wrecsam: ni fyddwch yn cael unrhyw greddyd am eich astudiaeth nac yn cael unrhyw ddyfarniad neu gymhwyster terfynol oni bai eich bod wedi ymrestru ar bob blwyddyn academaidd eich rhaglen. Ymrestru ym Mhrifysgol Glyndŵr Wrecsam yw'r ysgogiad hefyd i Gyllid Myfyrwyr ac asiantaethau cymorth eraill i gyhoeddi unrhyw fenthyciadau neu grantiau sydd wedi'u cynnig i chi: mae taliadau fel arfer yn cael eu gwneud drwy greddyd uniongyrchol i'ch cyfrif banc. **Ni fyddwch yn cael y benthyciadau neu'r grantiau hyn** oni bai eich bod wedi ymrestru. (Noder y bydd fel arfer yn cymryd hyd at bum diwrnod gwaith i Gyllid Myfyrwyr dalu'r benthyciadau a'r grantiau ar ôl i ni eu hysbysu eich bod wedi ymrestru). Mae'n hynod bwysig eich bod yn nodi, wrth gadarnhau eich ymrestrriad ar-lein, eich bod yn cytuno i lynu wrth reolau a rheoliadau Prifysgol Glyndŵr Wrecsam sydd wedi'u hamlinellu yn y cyhoeddiad hwn a chyhoeddiadau eraill. Mae'r rheolau hyn yn ymdrin â materion megis presenoldeb, ymddygiad, cyfrifoldebau ariannol a chyfrifoldebau eraill wrth astudio yn y Brifysgol.

Unwaith y byddwch wedi ymrestru, cewch eich **Rhif Myfyriwr** Prifysgol Glyndŵr Wrecsam wyth digid, unigryw y byddwch yn ei gadw drwy gydol eich cyfnod fel myfyriwr. Bydd hyn yn eich caniatáu i ymuno â'r Llyfrgell, cael mynediad at eLyfrau ac eGyfnodolion, cael cyfrif ar y rhwydwaith TG ac ymuno â'r Undeb Myfyrwyr etc. Cewch gerdyn Myfyriwr wrth ymrestru, gweler yr adran isod am ragor o wybodaeth ynglŷn â phwysigrwydd eich Cerdyn Myfyriwr.

Os ydych yn methu ag ymrestru, nid oes gennych yr hawl i ddefnyddio cyfleusterau'r Brifysgol. Mae hyn yn berthnasol i fyfyrwyr llawn amser a rhan amser, a myfyrwyr israddedig, ôl-raddedig ac ymchwil. Mae'n berthnasol i aelodau o staff sydd hefyd yn dilyn rhaglen astudio yn y Brifysgol. Yn ogystal, yn awtomatig fel rhan o'ch ymrestrriad cewch hawl i ddefnyddio Rhith-amgylchedd Dysgu (VLE) Prifysgol Glyndŵr Wrecsam, ar gyfer y modiwlau yr ydych wedi cofrestru ar eu cyfer fel rhan o'ch rhaglen. Os nad ydych yn ymrestru ni chewch hawl i ddefnyddio'r elfen bwysig hon o'ch adnoddau dysgu.

Mae'n rhaid ymrestru o fewn pythefnos o gychwyn y tymor addysgu pob blwyddyn academiaidd. Os na fyddwch yn ymrestru, byddwch yn colli eich lle ar eich rhaglen.

Noder bod angen ymrestru bob blwyddyn ar ddechrau blwyddyn academiaidd newydd, neu ar ddechrau bob modiwl ar gyfer myfyrwyr ar-lein PGW.

Cyfle Cyfartal

Mae Prifysgol Wrecsam yn ymroddedig i egwyddorion cyfle cyfartal ym mhob agwedd ar fywyd prifysgol. Rydym yn gweithio'n galed i greu amgylchedd teg, cynhwysol i holl aelodau'r gymdeithas. Gall myfyrwyr ddisgwyl cyfle cyfartal i bawb, waeth beth fo'u hoedran, anabled, rhywedd, hil, crefydd neu gredo neu gyfeiriadedd rhywiol.

Mae gan y Brifysgol gyfrifoldebau penodol i'w myfyrwyr dan y Ddeddf Cydraddoldeb (2010) ac mae'n gweithio o fewn y canllawiau a ddarparwyd gan *Advance HE* (yr Uned Herio Cydraddoldeb gynt) i sicrhau bod yr holl fyfyrwyr yn cael y profiad gorau posibl.

Cymeradwyaeth Foesebol ar gyfer Prosiectau Ymchwil neu Draethodau Hir Lefel 6

Bydd Arweinwyr Rhaglen yn cynghori myfyrwyr os bydd eu prosiect neu fodiwl traethawd hir yn y flwyddyn olaf yn cynnwys 'ymchwil'. Os bydd eich prosiect neu draethawd hir yn cynnwys ymchwil, yna rhaid i chi sicrhau bod ffactorau risg moesebol yn cael eu hystyried. Mae hyn yn berthnasol pa un ai a yw pobl a/neu anifeiliaid ynghlwm â'r pynciau ymchwil.

Er mwyn ystyried y ffactorau risg moesebol mae'r Brifysgol yn darparu taflen eglurhaol a rhestr wirio y mae'n rhaid eu cwblhau fel gofyniad lleiaf. Bydd Goruchwyliwr eich Prosiect neu Draethawd Hir yn eich cynorthwyo gyda'r broses hon. Unwaith y cânt eu llofnodi, dylai'r Goruchwyliwr gadw'r daflen eglurhaol a'r rhestr wirio a'u ffeilio gyda'ch cynllun (boed ar bapur neu'n electronig). Os bydd y prosiect yn newid yn sylweddol wedi iddo ddechrau, rhaid i'r rhestr wirio gael ei hadolygu a llofnodi'r ffurflen unwaith eto.

Gall Timau Rhaglenni ofyn i fyfyrwyr ddefnyddio ffurflenni neu brosesau eraill sy'n mynd y tu hwnt i ofynion sylfaenol adolygiad a chymeradwyaeth foesebol. Os mai dyma fydd yr achos, bydd Arweinydd eich Rhaglen yn cynnig cyngor i chi.

Estyniadau i Waith Cwrs

Os ydych yn ymwybodol o anawsterau personol a fydd yn ei gwneud yn anodd i chi gwblhau eich gwaith o fewn y dyddiad cau penodol, dylech sgwrsio â'ch Arweinydd Rhaglen neu Fodiwl cyn gynted â phosibl (a chyn y dyddiad cau) i bennu a gewch estyniad i'r dyddiad cau hwnnw ai peidio. Mae gan fyfyrwyr hawl i wythnos o estyniad i gyflwyno gwaith cwrs wedi'i asesu, ar gais i'r tiwtor modiwl perthnasol. Rhaid i'r cais gael ei gyflwyno gan ddefnyddio 'Ffurflen Estyniad Byr i Gyflwyniad', a hynny gyda thystiolaeth, cyn y dyddiad cyflwyno gwreiddiol. Mae'r ffurflen estyniad ar gael dan Ffurflenni drwy Cymorth Myfyrwyr,

Gweinyddiaeth Myfyrwyr. Ar gyfer ceisiadau sy'n cael eu cyflwyno ar ôl y dyddiad cau gwreiddiol, rhoddir cymeradwyaeth yn ôl disgresiwn y tiwtor. Ystyrir ceisiadau sydd am gyfnod o fwy nag un wythnos gan arweinydd y modiwl, gan gymryd i ystyriaeth yr wybodaeth sydd ar gael ynghylch sefyllfa'r myfyriwr ac ym mha gyfnod o'r flwyddyn academaidd y gwneir y cais. Os dywedir wrthy ch ei bod yn rhy hwyr yn y modiwl i gymeradwyo estyniad, oherwydd bod angen cyflwyno'r marciau i Fwrdd Asesu, yna gallech ystyried creu achos am Amgylchiadau Esgusodol (gweler isod).

Amgylchiadau Esgusodol

Os ydych wedi profi digwyddiadau annisgwyl a all fod wedi cael effaith sylweddol ar eich perfformiad academaidd ar bwynt asesu, gallech gyflwyno cais am amgylchiadau esgusodol. It is recommended that you seek advice from the Students' Union Advice Centre suadvice@glyndwr.ac.uk

~~Mae'r Brifysgol yn diffinio amgylchiadau esgusodol fel: '...amgylchiadau, eithriadol a'r tu hwnt i reolaeth y myfyriwr fel rheol, sydd wedi'u hatal rhag perfformio mewn asesiad ar y lefel ddisgwyliedig neu ofynnol ohonynt neu rhag ymgymryd â'r asesiad.'~~

Amgylchiadau Esgusodol yw pan fydd amgylchiadau neu ddigwyddiadau sy'n:

Arbennig - gwahanol i'r hyn sydd i'w ddisgwyl yn eich bywyd dydd i ddydd.

Annisgwyl - lle bod dim posib rhagweld yr amgylchiadau yn codi, nac ychwaith posib cynllunio ar eu cyfer.

Tu hwnt i'ch rheolaeth - lle nad oedd posib i chi wneud dim er mwyn atal yr amgylchiadau rhag codi.

Byrdymor - lle nad ydych yn disgwyl i'r amgylchiadau eich effeithio am gyfnod hir.

Bydd disgwyl i'r amgylchiadau fod yn rhai sydd yn cael effaith sylweddol ar eich gallu i baratoi ar gyfer, neu i gyflawni, asesiad. Golygir hyn bod angen i'r amgylchiadau fod yn rai sydd yn cael effaith mwy sylweddol na digwyddiadau neu amgylchiadau mwy cyffredin, megis, diffyg cwsg, mân salwch (er enghraifft, annwyd neu beswch), mân anaf neu deimladau pryderus ynglŷn â'r asesiad.

Gall pob myfyriwr sy'n astudio am gymhwyster a ddyfernir gan Brifysgol Wrecsam wneud cais am amgylchiadau esgusodol. Mae hyn yn cynnwys myfyrwyr sydd wedi cofrestru ar raglenni israddedig ac ôl-raddedig a addysgir neu elfennau a addysgir o raglenni ymchwil.

Cyn gwneud cais am Amgylchiadau Esgusodol, dylid ystyried yr isod:

1. Ydych chi wedi trafod estyniad byr gyda thîm y rhaglen? Gall tîm y rhaglen ddarparu estyniad byr p hyd at bythefnos. Bydd angen cyflwyno ffurflen estyniad i ddyddiad cau er mwyn ystyried hyn a'i gytuno gyda nhw.

2. Ydy hyn yn ymwneud â chyflwr neu anabledd sy'n bodoli eisoes? Os oes gennych gyflwr neu anabledd hirdymor fel y diffinnir gan y Ddeddf Cydraddoldeb (2010), gallwch ddewis gweithio â'ch Arweinydd Rhaglen i ddatblygu Cynllun Dysgu. Dylech drafod addasiadau rhesymol gyda thîm eich rhaglen a chyflwyno cynllun dysgu i'r Panel Amgylchiadau Esgusodol.

3. Yw gwerth y credydau sy'n ymwneud â'm cais am estyniad yn werth 80 credyd neu fwy? Mae'r Rheoliadau Academaidd yn nodi y rhoddir caniatâd i ail-wneud asesiadau yn ystod y cyfle nesaf fydd ar gael, a hynny dim ond os nad yw'r credydau ar gyfer y modiwlau a fethwyd neu y'u gohiriwyd â chaniatâd yn werth mwy nag 80 credyd. Os fydd cyfanswm y credydau yn eich cais/ceisiadau Amgylchiadau Esgusodol yn uwch nag 80 credyd, golygir ei bod yn debygol fydd y byrddau asesu yn pennu y dylech ail-sefyll y flwyddyn.

4. A fydd yr amgylchiadau yn eich effeithio yn yr hirdymor? Os byddwch yn absennol yn yr hirdymor, dylech gyflwyno ffurflen gohirio astudiaethau.

Unwaith eich bod wedi ystyried yr opsiynau uchod i gyd, dylech sicrhau eich bod yn bodloni'r gofynion isod cyn dechrau eich cais:

Ni ddylai cyfanswm y credydau o fewn eich cais fod yn uwch nag 80 credyd.

Dylech gyflwyno eich cais o fewn **15 diwrnod** naill ochr i'r cyfnod asesu.

Os na fyddwch yn bodloni'r gofynion hyn, bydd rhaid i chi geisio cyngor gan undeb y myfyrwyr cyn cyflwyno cais am Amgylchiadau Esgusodol. Cysylltwch â suadvice@glyndwr.ac.uk

Noder: Os yw eich marciau wedi cael eu cyflwyno i Fwrdd Asesu, yna ni fyddwch yn gallu cyflwyno cais am Amgylchiadau Esgusodol. Fodd bynnag, os oedd rheswm dilys pam nad oedd yn bosib i chi gyflwyno eich cais am amgylchiadau esgusodol cyn i'r Bwrdd Asesu gwrdd, gallech gyflwyno ffurflen ar gyfer Apêl Academaidd: Cais am Adolygiad o Benderfyniad Bwrdd Asesu.

~~Mae angen i bob cais am amgylchiadau esgusodol gael eu gwneud o fewn 15 diwrnod gwaith o ddyddiad cau eich asesiad yr effeithir arno. Os cytunwyd ar estyniad i ddyddiad cau, bydd gennych 15 diwrnod gwaith o'r dyddiad cau estynedig cytunedig. Os yw eich marciau wedi cael eu cyflwyno i Fwrdd Asesu, yna ni fyddwch yn gallu cyflwyno cais am Amgylchiadau Esgusodol. Fodd bynnag, os oedd rheswm dilys pam nad oedd yn bosib i chi gyflwyno eich cais am amgylchiadau esgusodol cyn i'r Bwrdd Asesu gwrdd, gallech gyflwyno ffurflen ar gyfer Apêl Academaidd: Cais am Adolygiad o Benderfyniad Bwrdd Asesu.~~

Os ydych yn dymuno cyflwyno cais am AE, rhaid i chi gwblhau'r broses ymgeisio ar-lein drwy e:Vision a darparu'r dystiolaeth briodol. Ar brydiau, gellir gohirio'r gofyniad i ddarparu tystiolaeth, ond bydd hyn wedi'i nodi'n glir ar e:Vision.

Gellir dod o hyd i ganllaw ar gyfer sut i gyflwyno cais ar e: Vision dan Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Rhaid i dystiolaeth a ddarperir, gynnwys copiâu o ddogfennau gwreiddiol, neu gopiau y gellir profi eu bod yn ddilys a rhaid i chi allu darparu'r dystiolaeth ddogfennol wreiddiol os gofynnir i chi wneud hynny gan y Brifysgol.

Mae hi hefyd yn bwysig bod eich tystiolaeth yn ymwneud â **chi** a'r effaith arnoch **chi**. Ni all y panel ystyried unrhyw dystiolaeth sy'n ymwneud â thrydydd parti, megis partneriaid priod, plant, neu rieni, heb eu caniatâd penodol, a hynny oherwydd Deddf Diogelu Data 2018 a'r Rheoliad Cyffredinol ar Ddiogelu Data 2018. Mewn unrhyw achos, dylid cyflwyno tystiolaeth o'r fath dim ond er mwyn cefnogi tystiolaeth sy'n ymwneud â **chi'n** bersonol.

Nodwch: Ni fyd y panel yn cysylltu'n uniongyrchol ag ymarferwyr iechyd nac unrhyw drydydd parti er mwyn trafod eich cais. Mae'r polisi amgylchiadau esgusodol yn dangos enghreifftiau o'r math o amgylchiadau fyddai fel arfer yn cael eu hystyried fel amgylchiadau esgusodol, yn ogystal â'r hyn na fyddai fel arfer yn cael eu hystyried yn amgylchiadau esgusodol.

Os cadarnheir eich cais, yna dyfernir gohiriad i chi: Os ydych eisoes wedi cyflwyno darn o waith ac wedi derbyn marc dros dro gan eich tiwtor, bydd y marc hwn yn cael ei newid i 0 a byddwch, fel rheol, yn cael y cyfle i ailgyflwyno'r gwaith ar y cyfle nesaf sydd ar gael, heb golli ymgais. Os ydych wedi colli dyddiad cau, byddwch yn cael marc o 0 a byddwch, fel rheol, yn cael y cyfle i gyflwyno'r gwaith ar y cyfle nesaf sydd ar gael, heb golli ymgais.

Ffioedd a Chyllid

Fel myfyriwr, mae'n bwysig eich bod yn deall strwythurau Ffioedd a Chyllid y Brifysgol. Cewch ragor o wybodaeth ar y [tudalen Ffioedd a Chyllid](#) ar wefan y Brifysgol lle byddwch hefyd yn dod o hyd i'r Rheoliadau Ffioedd Dysgu Myfyrwyr. Gallwch hefyd gael mynediad at ragor o wybodaeth ar y tudalennau Cyllid Myfyrwyr a Chyngor Ariannol ar y safle Cymorth Myfyrwyr.

Dilynir o Polisi Adennill a Chasglu Dyledion ar gyfer casglu ac adennill dyled myfyrwyr a gellir defnyddio cosbau amrywiol yn dibynnu ar y ffioedd sy'n ddyledus. Mae'n ofynnol talu unrhyw ddyled sy'n weddill cyn y gellir cyflwyno eich dyfarniad, cyhoeddi tystysgrif neu gadarnhau eich presenoldeb mewn seremoni raddio.

Os ydych yn gymwys am fwrsariaeth y GIG, dylech ddarllen y [Rheoliadau Bwrsariaethau](#).

sy'n nodi'r holl wybodaeth sydd ei hangen arnoch ynglŷn â'ch cymhwysedd, hysbysiad o'ch bwrsariaeth a beth sy'n digwydd petaech yn rhoi'r gorau i'ch astudiaethau dros dro, trosglwyddo i raglen neu sefydliad arall neu dynnu'n ôl.

Adborth ar Waith wedi'i Asesu

Fel egwyddor gyffredinol, dylid rhoi canlyniadau heb eu cwblhau ac adborth ar waith wedi'i asesu i fyfyrwyr cyn gynted â phosibl ac fel rheol cyn pen uchafswm o dair wythnos waith i'r dyddiad cyflwyno. Dylai'r trefniadau hyn fod yn berthnasol i adborth ar yr holl gyflwyniadau asesiadau drwy gydol y flwyddyn, gan gynnwys gwaith a gyflwynwyd ar ddiwedd blwyddyn. Dylech gyfeirio at lawlyfr eich rhaglen ar gyfer strategaeth asesu ac adborth ffurfiannol eich rhaglen.

Graddio

Wedi i chi gwblhau eich cwrs yn llwyddiannus, byddwch yn gymwys i raddio o'r Brifysgol. Bydd y Brifysgol yn rhannu dyddiadau graddio gyda chi gyda digon o rybudd. Byddwch yn ymwybodol os oes gennych arian yn ddyledus i'r Brifysgol o ran ffioedd dysgu, ni fyddwch yn gallu graddio na derbyn eich tystysgrif.

Aflonyddwch a Bwlio

Nod y Brifysgol yw darparu amgylchedd diogel a chefnogol i fyfyrwyr, ac mae disgwyl i fyfyrwyr drin eraill gydag urddas a pharch. Mae'r Siarter Myfyrwyr hefyd yn atgoffa myfyrwyr i:

“Fod yn ofalus o sut all eich ymddygiad gael effaith ar eraill, a pharchu hynny, a thrin eraill yn gyfartal ac yn barchus, gan gymryd cydraddoldeb ac amrywiaeth o ddifrif, a chreu cymuned gynhwysol ar y campws.”

Yn anffodus, ar brydiau mae myfyrwyr yn teimlo eu bod yn cael eu haflonyddu neu fwlio, naill ai gan fyfyrwr(wyr) arall/eraill neu gan aelod o staff. Mae gan y Brifysgol 'Bolisi a Gweithdrefnau Gwrth-aflonyddu a Gwrth-fwlio: Myfyrwyr' sy'n egluro beth yw aflonyddwch a bwlio, a'r camau gweithredu y dylech eu cymryd os ydych yn teimlo eich bod yn y sefyllfa hon. Mae'r Brifysgol yn ystyried yr holl honiadau o ddifrif ac yn ymdrin â nhw'n brydlon, ac yn gyfrinachol lle bynnag mae hynny'n bosibl. Am ragor o wybodaeth ewch i'r Porth Myfyrwyr.

Mae'r Polisi a Gweithdrefn Aflonyddu a Gwrth-fwlio yr un mor berthnasol i ryngweithiadau ar-lein, yn ogystal ag wyneb yn wyneb. Atgoffir myfyrwyr bod disgwyl iddynt gadw at delerau ac amodau Defnyddio Rhwydwaith a Chyfleusterau TG Prifysgol Glyndŵr sy'n nodi:

“Ni ddylech anfon unrhyw negeseuon sy'n: aflonyddu, bygwth neu godi cywilydd yn fwriadol ar unrhyw dderbynydd bwriadedig; cynnwys iaith sarhaus neu reglyd; neu gynnwys atgas, hiliol neu ethnig wrthwynebus.”

Iechyd a Diogelwch

Dan Ddeddf Iechyd a Diogelwch yn y Gwaith (1974) a deddfwriaethau eraill, mae gan y Brifysgol ddyletswydd i reoli iechyd a diogelwch er mwyn sicrhau iechyd, diogelwch a llesiant yr holl staff, myfyrwyr, ymwelwyr a chontractwyr tra eu bod yn y brifysgol.

Yn eich maes astudio, mae staff academiaidd yn gyfrifol am sicrhau bod asesiadau risg addas wedi eu cynnal ac wedi eu cyfathrebu i chi. Dylech ddilyn unrhyw gyfarwyddiadau llafar neu ysgrifenedig a roddir i chi i amddiffyn eich iechyd a diogelwch (e.e. gwisgo sbectol ddiogelwch neu ddillad amddiffynnol eraill, defnyddio offer a chyfarpar yn ôl cyfarwyddyd, gan ddefnyddio systemau echdynnu lleol).

Chi sy'n gyfrifol am ofalu am eich iechyd a'ch diogelwch eich hun, yn ogystal â phobl eraill a all gael eu heffeithio gan eich ymddygiad. Dylech chi:

- Gydymffurfio â staff a dilyn cyfarwyddiadau a roddir
- Beidio ag amharu neu gamddefnyddio, yn fwriadol neu'n ddiotal, unrhyw eitem a ddarperir at ddibenion iechyd a diogelwch
- Rhoi gwybod i aelod o staff am unrhyw beth a all gyflwyno perygl cyn gynted â phosibl.

Mae gennym lawer o gyfarpar i'ch cynorthwyo gyda'ch astudiaethau yn y Brifysgol. Mae gofyn i'r holl gyfarpar gael ei archwilio a'i gynnal a'i gadw'n gyson er mwyn sicrhau ei fod yn parhau'n

ddiogel - PEIDIWCH â dod ag unrhyw offer neu gemegau eich hun ar y safle. Bydd hyn yn ein cynorthwyo i sicrhau ein bod wedi cadarnhau bod y cyfarpar yn barod i'w ddefnyddio.

Dylech sicrhau eich bod yn gyfarwydd â'r gweithdrefnau tân ac argyfwng sy'n berthnasol i'r lleoliadau yr ydych chi'n astudio a byw ynddynt. Mae yna gynlluniau sy'n dangos y man ymgasglu agosaf ac mae llwybr dianc ar draws y brifysgol.

Pe baech yn dod o hyd i dân, sicrhewch eich bod yn canu'r larwm tân drwy ddefnyddio'r pwynt larwm "break glass" sydd wedi ei leoli ar allanfeydd tân. Pan glywch y larwm tân, sicrhewch eich bod yn gadael yr adeilad yn syth gan fynd i'r man ymgynnull agosaf. Peidiwch â defnyddio'r diffoddwyr tân i geisio ymladd y tân - maent yno i'ch cynorthwyo i adael pe bai'r allanfeydd wedi eu peryglu gan dân. Peidiwch â cheisio ymladd tân - dylid gadael hyn i'r Gwasanaeth Tân. Bydd defnyddio diffoddwyr tân yn fwriadol am resymau nad ydynt yn ymwneud â'r diben hwn yn arwain at gyhoeddi dirwy a gallai arwain at gamau gweithredu disgyblaethol yn eich erbyn.

Dilynwch unrhyw reolau sydd ar waith i atal tannau rhag dechrau a lledaenu. Er enghraifft, peidiwch â gadael drysau tân ar agor gan y gallai hynny beryglu eich dihangfa ddiogel, peidiwch â gadael i sbwriel gasglu, cadwch ddeunyddiau fflamadwy yn ddiogel a chadwch llwybr dianc mewn achos o dân yn glir.

Efallai y bydd angen cymorth ychwanegol arnoch i adael yr adeilad oherwydd anabledd neu nam, rhowch wybod i'ch tiwtor personol cyn gynted ag y bo modd fel bod modd datblygu cynllun gwacâd brys gyda chi.

Pe baech yn cael damwain tra ar dir y Brifysgol, mae swyddogion sydd wedi eu hyfforddi mewn cymorth cyntaf ar gael ar bob campws i'ch cynorthwyo. Mewn argyfwng, gellir cysylltu â swyddog cymorth cyntaf drwy ffonio **Derbynfa'r Campws** ar **01978 293494** neu'r **Rhif Ffôn Brys, 01978 293333** (Campysau Wrecsam yn unig).

Dylid adrodd am bob damwain fel bod modd i ni ymchwilio pam y digwyddodd ac, os yn angenrheidiol, gweithredu gwelliannau i rwystro damwain debyg rhag digwydd eto. Anogir chi i adrodd am ddigwyddiadau cael a chael (e.e. digwyddiadau a allai fod wedi achosi damwain ond na wnaeth, wrth lwc) fel bod modd i ni sicrhau bod unrhyw welliannau angenrheidiol yn cael eu rhoi ar waith cyn i ddamwain fwy difrifol ddigwydd. Dylid anfon ffurflenni damwain a digwyddiadau cael a chael sydd wedi eu cwblhau i lechyd, Diogelwch a'r Amgylchedd yn healthandsafety@glyndwr.ac.uk). Mae'r ffurflenni ar gael ar-lein drwy Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Cerdyn Adnabod

Os ydych wedi ymrestru ar raglen astudio ar gampws y Brifysgol, neu ar raglen ar-lein, mae eich Cerdyn Adnabod Prifysgol Wrecsam, sydd fel arfer yn cael ei roi i chi pan fyddwch yn ymrestru, yn 'adnodd' hanfodol yn ystod eich astudiaethau. Byddwch angen y cerdyn i gofnodi'ch presenoldeb mewn digwyddiadau addysgu sydd wedi'u hamserlennu. Mae'n caniatáu mynediad i adeiladau ac yn gerdyn aelodaeth i'r llyfrgell. Felly, dylai fod eich cerdyn o fewn eich cyrraedd bob amser tra eich bod ar y campws. Cymerwch ofal ohono, codir tâl am gardiau sydd wedi'u colli neu eu niweidio.

Yswiriant

Mae Prifysgol Wrecsam yn sicrhau bod myfyrwyr cofrestredig wedi'u cynnwys yn briodol at ddibenion yswiriant. Darperir yswiriant ar gyfer y canlynol:

- Adeiladau Prifysgol Wrecsam
- lawndal am anaf lle ystyrir mai Prifysgol Wrecsam sy'n gyfrifol
- Yswiriant damweiniau personol a theithio ar gyfer ymweliadau sy'n ymwneud â busnes Prifysgol Wrecsam
- Yswiriant cerbydau modur (y mae Prifysgol Wrecsam yn berchen arnynt)

Os ydych ynghlwm â digwyddiad a all gael goblygiad yswiriant, rhowch wybod i'ch Arweinydd Rhaglen a fydd yn cwblhau'r gwaith papur angenrheidiol. Cyfeiriwch at yr adran lechyd a Diogelwch, lle mae manylion gofynion ar wahân ar gyfer damweiniau personol. Noder fod eiddo a cherbydau personol sydd ar gampysau ac eiddo Prifysgol Wrecsam yn cael eu gadael ar eich menter eich hun. Mae hyn yn cynnwys eiddo myfyrwyr ym mhreswylfeydd Prifysgol Wrecsam.

Argymhellir yn gryf i chi ymgymryd ag yswiriant i'ch eiddo. Mae hyn yn arbennig o berthnasol i fyfyrwyr sy'n byw mewn llety Prifysgol Wrecsam. Gall yr Undeb Myfyrwyr roi cyngor defnyddiol am yswirio eich eiddo. Cewch fwy o wybodaeth ar [wefan Undeb y Myfyrwyr](#).

Hawliau Eiddo Deallusol

Yn ystod eich astudiaethau, mae'n bosibl y byddwch yn creu syniadau newydd a gelwir hyn yn Eiddo Deallusol (ED). Term i ddisgrifio allbynnau ymdrech greadigol ym meysydd llenyddiaeth, artistig, diwydiannol, gwyddonol a pheirianneg yw ED a ellir ei ddiogelu'n eang dan ddeddfwriaeth.

Fel creawdwr Eiddo Deallusol, mae gennych chi a'r Brifysgol hawliau i hyn. Mae Hawliau Eiddo Deallusol yn rhoi cydnabyddiaeth gyfreithiol i berchnogaeth ED. Mae rhagor o wybodaeth ar gael yn y polisi Eiddo Deallusol sydd ar y Porth Myfyrwyr, Gweinyddiaeth Myfyrwyr, Polisiâu a Gweithdrefnau.

Gwasanaethau TG

Disgwylir i fyfyrwyr gadw at delerau ac amodau Defnyddio Rhwydwaith a Chyfleusterau T.G. Prifysgol Glyndŵr Wrecsam sydd ar gael ar y tudalennau Gwasanaethau TG, ar y Porth Myfyrwyr.

E-bost

Bydd y Brifysgol yn rhoi cyfrif e-bost i chi a fydd yn cael ei ddiogelu a'i gynnal yn briodol, ac i'r cyfeiriad e-bost hwn y bydd y Brifysgol yn anfon gohebiaeth. Dylech wirio'r cyfrif e-bost hwn o leiaf dwywaith yr wythnos. Os oes well gennych beidio â defnyddio'r cyfrif hwn, yna dylech sefydlu gwasanaeth anfon ymlaen i gyfrif yr ydych yn ei wirio'n fwy rheolaidd i sicrhau nad ydych yn methu negeseuon pwysig gan eich tiwtoriaid neu'r Brifysgol.

Y Rhith-amgylchedd Dysgu (VLE) a'r porth MyUni

Caiff y Rhith-amgylchedd Dysgu (VLE) yng Nglyndŵr ei ddefnyddio gan yr holl raglenni i drefnu a chyflwyno eich taith dysgwyr a rhannu gwybodaeth bwysig ynglŷn â'ch cwrs a chynnwys y cwrs. Fel arfer, gofynnir i chi hefyd gyflwyno gwaith a aseswyd drwy'r VLE.

Y porth MyUni yw eich siop un stop ar gyfer dolenni at offer digidol ac adnoddau y byddwch eu hangen ar gyfer eich astudiaethau, gan gynnwys y VLE, Resource Finder, Microsoft 365 a'ch e-bost myfyriwr.

Mae canllawiau ychwanegol i fyfyrwyr ynglŷn â defnyddio'r VLE ac offer digidol eraill i'w gweld ar Sgiliau Dysgu, Cymorth Myfyriwr.

Cyflwyno aseiniadau yn hwyr neu beidio â'u cyflwyno

Oni bai eich bod wedi cael estyniad cytunedig i ddyddiad cau, y marc uchaf y gellir ei roi i waith sydd wedi'i gyflwyno hyd at bum diwrnod yn hwyr yw 40%. Os bydd eich gwaith yn cael ei gyflwyno mwy na phum diwrnod yn hwyr, bydd y gwaith yn cael marc sero a byddwch yn methu'r asesiad. Cofiwch: mae mwy o fyfyrwyr yn methu drwy beidio â chyflwyno yn hytrach na thrwy waith anfoddfaol.

Cyfleusterau'r Llyfrgell

Mae manylion cyfleusterau'r llyfrgell ar gael ar dudalennau Gwasanaethau'r Llyfrgell ar y Tudalen Cymorth Myfyriwr. Gellir dod o hyd i ddolen i gatalog y llyfrgell (Resource Finder) yma hefyd. Mae Resource Finder yn cynnig mynediad at adnoddau electronig (cronfeydd data, cylchgronau electronig a llyfrau electronig) ac yn eu gwneud ar gael i ddefnyddwyr awdurdodedig (myfyriwr a staff cyfredol Prifysgol Wrecsam). Mae'r llyfrgell yn llofnodi trwydded gyda chyhoeddwr pob adnodd electronig. Darperir hawl i ddefnyddio adnoddau electronig dan delerau eglur fel y nodir yn y drwydded ac yn unol â chyfraith hawlfraint.

Mae telerau'r drwydded yn amrywio fesul cyhoeddwr ond yn gyffredinol mae'r defnydd a ganiateir fel a ganlyn:

- Defnyddio at ddibenion ymchwil anfasnachol, addysgu neu astudiaeth breifat
- Cewch argraffu neu lawrlwytho un copi o erthygl neu bennod mewn llyfr at ddefnydd personol
- Cewch rannu doleri i erthygl neu bennod mewn llyfr gyda myfyriwr a staff Prifysgol Wrecsam

Gallwch archebu lle astudio neu gyfrifiadur drwy'r Archebwr Gofod Astudio ar Borth MyUni ymlaen llaw.

Ymddygiad Derbyniol yn y Llyfrgell:

Ein nod yw darparu Llyfrgell sy'n ffafriol i astudio, ac ar yr un pryd ceisio â chynnig ystod o wahanol amgylcheddau i astudio'n unigol ac mewn grŵp. Ar gyfer y myfyriwr hynny sy'n astudio ar gampws Wrecsam, rydym yn gofyn i'r holl ddefnyddwyr fod yn ymwybodol o'r rheoliadau canlynol:

Sŵn - rydym yn deall y gall siarad yn dawel fod yn angenrheidiol yn y Llyfrgell. Fodd bynnag, os yw'r sgwrs yn amharu ar ddefnyddwyr eraill efallai y byddwn yn gofyn i chi adael.

Ffonau Symudol - rhaid i chi ddiffodd sain eich ffonau symudol tra eich bod yn y Llyfrgell. Mae sŵn ffonau symudol yn canu a sgysiau uchel yn achos amhariad sylweddol i'n defnyddwyr. Fodd bynnag, mae'n dderbyniol anfon a derbyn negeseuon testun cyn belled â bod sŵn signal a deialu galwadau wedi'i ddiffodd.

Bwyd a Diod - caniateir diodydd a byrbrydau ysgafn yn y Llyfrgell, ond os yw'r rhain yn amharu ar allu eraill i astudio mae'n bosibl y gofynnir i chi fwyta yn rhywle arall.

Mae'r rheoliadau hyn er budd holl ddefnyddwyr y Llyfrgell ac yn ein helpu ni i ddarparu amgylchedd mor bleserus â phosibl.

Mae rhagor o wybodaeth, gan gynnwys oriau agor, benthyca ac adnewyddu llyfrau a chanllawiau ynglŷn â sut i ddod o hyd i lyfrau ar gael yn Cymorth Myfyrwyr, Gwasanaethau'r Llyfrgell.

Sgiliau Dysgu

Mae'r timau Sgiliau Dysgu yn rhoi cefnogaeth un i un, gweithdai a darlithoedd yn seiliedig ar y sgiliau a fydd eu hangen arnoch i gwblhau eich rhaglen astudio.

Rydym yma i'ch cefnogi yn ystod eich amser ym Mhrifysgol Wrecsam ac rydym yn mynd i'r afael â thri phrif faes astudiaeth academiaidd:

Mae **Sgiliau Academiaidd** yn rhoi cefnogaeth a chynghor am ysgrifennu academiaidd, cyfeirio, meddwl yn feirniadol a rheoli amser.

Gall **Dysgu Digidol** eich helpu chi i ddefnyddio offer fel Microsoft 365 i greu eich aseiniadau, rhaglenni fel Microsoft Teams i ymuno â chyfarfodydd a sesiynau ar-lein, a'r VLE i gael mynediad at gynnwys cyrsiau ac i uwchlwytho aseiniadau.

Mae **Adnoddau Dysgu** (Llyfrgellwyr Cymorth Academiaidd) yn cynnig arweiniad ar Resource Finder a defnyddio'r Rhyngrwyd yn effeithiol i ddod o hyd i ddeunyddiau priodol i'ch aseiniad.

Mae rhagor o wybodaeth ynglŷn â'r gefnogaeth sydd ar gael ar Cymorth Myfyrwyr, Sgiliau Dysgu.

Os ydych yn fyfyrwr sy'n astudio yn un o'n sefydliadau partner, bydd nifer o'r gwasanaethau hyn ar gael i chi ar lefel leol. Fodd bynnag, mae'r wybodaeth berthnasol ar gael drwy'r ddolen Cymorth Myfyrwyr MyUni hefyd.

Camymddwyn

Mae disgwyl i fyfyrwyr lynu wrth reolau a rheoliadau'r Brifysgol, parchu pobl ac eiddo eraill a bod yn gwrtais ac ystyriol bob amser ac mae gan y Brifysgol bolisi mewn perthynas ag ymddygiad myfyrwyr, a gweithdrefn gysylltiedig disgyblu myfyrwyr, sydd ar gael yn Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Os honnir bod achos o gamymddwyn wedi bod, yna byddwn yn delio gyda chi dan weithdrefn briodol y Brifysgol i fyfyrwyr (gweler isod).

Mae gweithdrefnau disgyblu staff yn berthnasol i fyfyrwyr sydd hefyd yn aelodau o staff yn y Brifysgol. Yn ogystal, mae rheoliadau ar wahân sy'n llywodraethu'r defnydd o gyfleusterau'r Undeb Myfyrwyr. Mae copïau o reoliadau a gweithdrefnau'r Undeb Myfyrwyr ar gael gan yr Undeb Myfyrwyr.

Os cyflwynir honiad o gamymddygiad academiaidd yn eich erbyn, yna rhaid i chi ddarllen y gweithdrefnau y bydd y Brifysgol yn eu dilyn, er mwyn i chi fod yn ymwybodol o'ch hawliau a chyfrifoldebau. Mae'r weithdrefn yn cynnwys 'gwrandawriad'. Os cewch eich hun mewn sefyllfa lle'r ydych wedi'ch cyhuddo o gamymddygiad academiaidd, cynghorir chi i fynychu'r gwrandawriad i roi eich adroddiad chi o'r digwyddiad, neu gyflwyno'r amgylchiadau yr arweiniodd atoch yn torri safon yr ymddygiad academiaidd sy'n ofynnol. Mae'r weithdrefn Gonestrwydd Academiaidd ar gael drwy'r Porth Myfyrwyr.

Gweithdrefn Disgyblu Myfyrwyr

Ble honnir bod myfyriwr yn euog o gamymddygiad, bydd yr honiad yn cael ei ystyried dan y Weithdrefn Disgyblu Myfyrwyr.

Mae hwn ar gael yn Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Camymddygiad Proffesiynol ac Addasrwydd ar gyfer Ymarfer

Mae gofyn i fyfyrwyr sy'n paratoi am ddyfarniad sy'n rhoi cymhwysedd i ymarfer, er enghraifft ym meysydd proffesiynol nyrsio, gwaith cymdeithasol neu addysgu, ddangos y safonau ymddygiad sy'n ddisgwyliedig yn y proffesiwn hwnnw. Mae'r rhaglenni hyn yn cynnwys cyfnodau ymarfer oddi mewn iddynt. Pan mae achos o dorri ymddygiad proffesiynol sy'n awgrymu efallai nad yw'r myfyriwr hwnnw yn unigolyn priodol i ymarfer y proffesiwn dan sylw, yna caiff yr honiadau eu hystyried drwy weithdrefnau penodol, o'r enw 'Addasrwydd i Ymarfer'. Mae'r weithdrefn hon ar gael ar y Porth Myfyrwyr.

Addasrwydd i Astudio

Yn unol ag agenda ehangu cyfranogiad y Brifysgol, mae'r Brifysgol yn ymrwymedig i gefnogi myfyrwyr sydd â chyflyrau iechyd corfforol neu feddyliol, er mwyn eu galluogi i gyflawni eu potensial deallusol drwy wneud cynnydd yn eu cwrs astudio. Bwriedir y polisi Addasrwydd i Astudio ddarparu ymateb cadarnhaol a chefnogol i faterion iechyd myfyrwyr. Serch hynny, mae'r Brifysgol hefyd yn disgwyl safon ymddygiad dderbyniol gan ei myfyrwyr ac nid yw problemau iechyd yn golygu nad yw myfyrwyr yn gyfrifol am hynny. Mae gan y Brifysgol ddyletswydd gofal i bob aelod o gymuned y Brifysgol (myfyrwyr a staff) a lle mae ymddygiad myfyriwr unigol yn bygwth llesiant unrhyw aelod o'r gymuned honno, bydd y Brifysgol yn gweithredu yn unol â'r weithdrefn hon i liniaru'r bygythiad hwnnw. Bwriedir y bydd y weithdrefn hon yn darparu mecanwaith cadarnhaol ar gyfer ymdrin ag ymddygiad amhriodol myfyrwyr oherwydd salwch neu anabledd ac yn cynnig opsiwn arall i ddilyn y Weithdrefn Disgyblu Myfyrwyr. Mae polisi hwn ar gael yn Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Camymddygiad Rhywiol a Thrais

Mae gan y Brifysgol bolisi Camymddygiad Rhywiol a Thrais i staff a myfyrwyr er mwyn sicrhau bod yr holl fyfyrwyr a staff yn cael eu trin gydag urddas a pharch, ac yn trin eraill yn yr un modd, ac yn rhydd rhag camymddygiad rhywiol a thrais. Nod y Brifysgol yw darparu amgylchedd diogel a chefnogol i fyfyrwyr gael astudio a rhyngweithio gyda myfyrwyr eraill, staff ac ymwelwyr, a lle gall staff weithio'n rhydd rhag unrhyw gamymddygiad rhywiol a thrais.

Mae'r polisi a'r weithdrefn lawn ar gael yn Cymorth Myfyrwyr, Gweinyddiaeth Myfyrwyr.

Cofrestru ar Fodiwl

Drwy gofrestru ar gyfer modiwlau, rydych yn ymrwymo eich hun i ymgysylltu'n llawn ag addysgu a dysgu a chwblhau'r holl ofynion gwaith cwrs a/neu arholiadau ar gyfer y modiwlau yr ydych wedi'u dewis. **Os nad ydych wedi cofrestru'n ffurfiol ar fodiwlau mae'n bosibl na chewch gydnabyddiaeth am y gwaith yr ydych yn ei wneud yn eich modiwlau.** Bydd y wybodaeth yr ydych yn ei darparu ar y ffurflen ymrestru yn cael ei defnyddio i roi mynediad i chi at dudalen VLE MyUni ar gyfer pob modiwl yr ydych wedi cofrestru arno, bydd yn cysylltu â'ch amserlen bersonol a'i defnyddio i brosesu eich canlyniadau ar ddiwedd pob semester a/neu ar ddiwedd y flwyddyn academaidd. **Felly, rhaid i chi sicrhau bod system cofnodion myfyrwyr y Brifysgol yn cynnwys gwybodaeth fanwl gywir a chyfredol ynglŷn â'r modiwlau yr ydych yn eu hastudio bob semester.**

Mewn rhai achosion, bydd eich rhaglen yn cynnig modiwlau opsiynol a bydd angen i chi ystyried, gydag Arweinydd eich Rhaglen, pa rai sydd fwyaf addas i chi eu hastudio.

Er mwyn gwneud newidiadau i'ch dewis modiwlau, bydd angen i chi gwblhau ffurflen "Newid Modiwl", sydd ar gael yn Cymorth Myfyrwyr, Gweinyddiaeth Myfyrwyr, Ffurflenni. Bydd angen i Arweinydd eich Rhaglen arwyddo a chymeradwyo'r cais cyn y gellir prosesu unrhyw newidiadau yn ffurfiol. Fel rheol, y dyddiad cau ar gyfer newidiadau i'ch dewis modiwlau yw diwedd yr ail wythnos addysgu lawn yn y semester perthnasol. **Fel rheol ni ellir gwneud unrhyw newidiadau ar ôl y dyddiadau hyn.** Rhaid i unrhyw gais eithriadol i newid cofrestradau ar fodiwlau llai na 6 wythnos cyn asesiad modiwl terfynol gael ei gymeradwyo gan y Cyfarwyddwr Cynllunio Strategol a Gweinyddiaeth Myfyrwyr, neu ei enwebai.

Hysbysiadau am Ganlyniadau

Yn ystod y flwyddyn, cewch farciau dros dro gan eich tiwtoriaid fel rhan o'ch adborth ar asesiadau. Diben hyn yw eich helpu gyda'ch dysgu, rhoi arwydd o ba mor dda ydych yn cyflawni a beth sydd angen i chi ei wneud i wella yn y dyfodol. Serch hynny, mae'r marciau dros dro yn amodol ar gadarnhad gan Fwrdd Asesu Prifysgol. Ar ôl y Byrddau Asesu, byddwch yn derbyn eich canlyniadau terfynol ar-lein.

Dysgu ar-lein - offer, arweiniad ac ymddygiad

Pa bynnag raglen rydych wedi ymrestru arni yn y Brifysgol, byddwch yn defnyddio nifer o dechnolegau digidol drwy gydol eich astudiaethau, gan gynnwys Rhith-amgylchedd Dysgu (VLE) (gweler uchod) a Microsoft Office (sy'n rhad ac am ddim i bob myfyriwr ymrestredig).

Ewch i dudalennau Sgiliau a Dysgu Digidol ar y tudalennau Cymorth Myfyrwyr i gael arweiniad a chymorth ynghylch sut i ddefnyddio offer digidol.

Efallai bydd rhai cyrsiau'n cynnwys elfen o ddysgu ar-lein, a bydd eraill yn ar-lein yn llwyr. Efallai yr hoffech ddarllen ein canllawiau ynghylch dysgu ar-lein, sy'n rhoi awgrymiadau ar fod yn ddysgwr ar-lein effeithiol, cyfathrebu ar-lein a chymryd rhan mewn sesiynau byw ar-lein.

Ymddwyn yn ddiogel ac yn barchus ar-lein

Mae'n bwysig cofio bod y disgwyliadau a'r ymddygiad ar gyfer cymryd rhan yn yr amgylchedd ar-lein yr un fath â'r disgwyliadau a'r ymddygiad ar gyfer ymgysylltu â chymuned y Brifysgol yn ei mannau ffisegol. Dylech drin eich cyd-fyfyrwyr a phob aelod o staff gydag urddas a pharch, a bod yn gefnogol, yn broffesiynol ac yn gynhwysol. Dilynwch ein canllawiau ar ymddygiad ar-lein priodol (neu 'netiquette') sydd ar gael ar y Porth Myfyrwyr>Sgiliau Dysgu>Dysgu Digidol a Sgiliau >Dysgu Ar-lein.

Atgoffir myfyrwyr bod disgwyl iddynt gadw at delerau ac amodau defnyddio rhwydwaith Prifysgol Glyndŵr a Chyfleusterau TG sy'n nodi:

"Ni ddylech anfon unrhyw negeseuon sy'n: aflonyddu, bygwth neu godi cywilydd yn fwriadol ar unrhyw dderbynydd bwriadedig; cynnwys iaith sarhaus neu reglyd; neu gynnwys atgas, hiliol neu ethnig wrthwynebus."

Fodd bynnag, dylai trin eraill â pharch hefyd fod yn berthnasol wrth ddefnyddio unrhyw offeryn digidol, nid systemau'r Brifysgol yn unig, er enghraifft y cyfryngau cymdeithasol (gweler yr adran isod). Mae'r Polisi a Gweithdrefn [Gwrth-aflonyddu a Gwrth-fwlio](#) yr un mor berthnasol i'r amgylchedd ar-lein.

Cosb am Fynd Dros y Nifer Geiriau

Bydd cosb am fynd dros y nifer geiriau yn berthnasol i'r holl fodiwlau sy'n cynnwys marcio rhifiadol; ni ddylai'r nifer geiriau gynnwys atodiadau, llyfryddiaethau neu gyfeiriadau. Wrth gyflwyno aseiniadau, nodwch y nifer geiriau, ac eithrio'r eitemau sydd wedi'u nodi uchod. Y gosb am fynd dros y nifer geiriau yw 5 marc fesul 1000 o eiriau dros y nifer geiriau, gyda 10% o ryddid yn uwch na'r nifer geiriau cyn bod y gosb yn cael ei chymhwyso.

Beichiogrwydd, Mamolaeth, Mabwysiadu a Gofalwr Eilradd (Tadolaeth) Myfyrwyr

Mae Prifysgol Wrecsam yn ymwybodol o'i chyfrifoldebau i'r holl fyfyrwyr a bydd yn cefnogi myfyrwyr sy'n dod yn feichiog neu'n rhiant yn ystod eu cyfnod astudio. Creda'r Brifysgol na ddylai dod yn feichiog neu'n rhiant fod yn rhwystr i unrhyw fyfyrwr sy'n dechrau, llwyddo neu gwblhau ei astudiaethau. Mae'r Brifysgol yn ymrwymedig i ddangos cymaint o hyblygrwydd â phosibl i hwyluso mynediad myfyrwyr, gan sicrhau nad oes unrhyw fyfyrwr dan anfantais, a chynnal safonau academiaidd uchel.

Ni fydd y Brifysgol yn gwahaniaethu yn erbyn myfyrwyr yn ystod y broses dderbyniadau neu unrhyw ran o'r profiad addysgol, nac wrth gynnig neu ddarparu gwasanaethau eraill a ddarperir gan y Brifysgol. Ni fydd myfyrwyr yn cael eu gwahaniaethu neu eu trin yn anffafriol

oherwydd: eu beichiogrwydd, terfynu beichiogrwydd, mamolaeth, absenoldeb mabwysiadu, bwydo ar y fron neu oherwydd eu bod yn bartner i unigolyn sy'n feichiog, wedi rhoi genedigaeth neu'n bartner i unigolyn sydd wedi mabwysiadu plentyn.

Mae iechyd a diogelwch myfyriwr beichiog yn hollbwysig bob amser a bydd staff yn ymdrin â'r holl fyfyrwyr sy'n cael eu cynnwys yng nghwmpas y polisi hwn mewn modd sensitif, cyfrinachol a heb fod yn feirniadol.

Bydd aelodau o staff y mae angen iddynt gael eu hysbysu am reswm dilys, yn cael gwybod am amgylchiadau'r myfyriwr, a gwneir hyn gyda chaniatâd gan y myfyriwr.

Gallwch gyfeirio at y polisi, gweithdrefn a'r canllawiau yn llawn ar y Porth Myfyrwyr.

Sicrhau Ansawdd ac Ymglymiad Myfyrwyr

Cynrychiolwyr Myfyrwyr

Mae Cynrychiolwyr Myfyrwyr yn adnodd hollbwysig mewn perthynas ag adborth myfyrwyr. Ar ddechrau pob blwyddyn, rydym yn annog myfyrwyr i ddewis eu hunain, neu enwebu rhywun o'u grŵp, i fod yn Gynrychiolydd Myfyrwyr a fydd yn gweithredu fel llefarydd y grŵp. Gall yr unigolyn hwnnw fod yn bwynt cyfathrebu canolog rhwng y grŵp ac aelodau o staff. Mae Undeb Myfyrwyr y Brifysgol yn rhoi hyfforddiant i'r holl Gynrychiolwyr Myfyrwyr yn ogystal â llawlyfr, sydd wedi'i ddatblygu gan Undeb y Myfyrwyr a chan Swyddogion y Brifysgol, ac mae'n nodi rôl y Cynrychiolydd Myfyrwyr. Cewch eich annog i ystyried dod yn Gynrychiolydd Myfyrwyr. Gallwch ddod o hyd i ragor o wybodaeth yn Cymorth Myfyrwyr, Cynrychiolwyr Myfyrwyr.

Llais y Myfyriwr

Bydd manylion am sut ydym yn gwrandao ac ymateb i Llais y Myfyriwr ar gael i chi drwy gydol eich cyfnod yn astudio gyda ni. Bydd gan bob myfyriwr y cyfle i ddweud eu dweud. Fel myfyriwr, chi yw ein partneriaid ac mae eich syniadau a'ch barn yn hynod bwysig i ni.

Adborth Myfyrwyr ar Lefel Modiwl

Mae'r Brifysgol yn mynnu bod timau rhaglenni yn gwneud trefniadau i chi wneud sylwadau ar y modiwlau rydych yn eu dilyn, fel arfer drwy arolwg ar-lein Gwerthusiad Myfyrwyr o Fodiwl (SEM). Mae'n bwysig eich bod yn manteisio ar y cyfle hwn i roi sylw ar y modiwlau yr ydych yn ymgymryd â nhw.

Mae rhagor o wybodaeth yn y canllawiau Ymgysylltu â Myfyrwyr sydd ar gael dan Sicrhau a Gwella Ansawdd, a gyrchir drwy Cymorth Myfyrwyr, Gweinyddu Myfyrwyr, Canllaw Myfyrwyr a Siarter Myfyrwyr.

Arolygon Myfyrwyr Cenedlaethol

Ar lefel ehangach, mae nifer o arolygon cenedlaethol annibynnol i fyfyrwyr mae'n bosibl y cewch wahoddiad i'w cwblhau er mwyn rhoi adborth am eich amser ym Mhrifysgol Wrecsam, ac mae'r Brifysgol yn defnyddio canlyniadau'r rheiny i wella'r profiad myfyrwyr. Er enghraifft, os ydych ym mlwyddyn olaf rhaglen israddedig, mae'n bosibl y byddwch yn

gymwys i gymryd rhan yn yr Arolwg Cenedlaethol o Fyfyrrwyr (NSS). Mae'r NSS yn rhoi cyfle i fyfyrwyr rannu eu barn ar yr hyn sydd wedi bod yn dda am eu profiad yn y Brifysgol a'r hyn a allai fod wedi bod yn well fel y gall y Brifysgol ac Undeb y Myfyrwyr barhau i adolygu rhaglenni a gwneud gwelliannau i brofiad myfyrwyr. Fel rheol mae'r arolwg ar agor rhwng mis Ionawr - Mai bob blwyddyn a chaiff ei weinyddu drwy Ipsos MORI, asiantaeth ymchwil i'r farchnad annibynnol. Mae cyfranogwyr a'u hymatebion yn parhau i fod yn ddiennw bob amser.

Cydnabyddiaeth o Ddysg Flaenorol

Os ydych yn credu eich bod o bosibl yn gymwys am eithriad rhag astudio rhai modiwlau ar eich rhaglen oherwydd bod gennych brofiad blaenorol neu eich bod eisoes wedi ymgymryd ag astudiaeth gyfwerth, mae angen i chi gyflwyno cais wedi'i chwblhau'n llawn i gydnabod dysg (drwy brofiad) flaenorol gyda thystiolaeth ategol, o fewn **un mis** o ymrestru ar eich rhaglen. Gellir lawrlwytho ffurflenni cais a chanllawiau ychwanegol gan Cymorth Myfyrwyr, Gweinyddu Myfyrwyr, Ffurflenni.

Cysylltwch ag arweinydd eich rhaglen am gymorth i gyflwyno cais cydnabod dysg (drwy brofiad) flaenorol. Byddwch yn ymwybodol ni ellir ystyried cais cydnabod dysg (drwy brofiad) flaenorol unwaith y bydd marciau eich modiwlau wedi'u cyflwyno i Fwrdd Asesu.

Recordio Sesiynau a Gweithgareddau Addysgol

Mae gan y Brifysgol bolisi cynhwysfawr sy'n manylu ar yr hyn sy'n dderbyniol ac nad yw'n dderbyniol o ran recordio sesiynau a gweithgareddau. Diben y polisi hwn yw sicrhau bod ymagwedd gyson a chyfrifol at yr holl sesiynau a gweithgareddau cipio dysgu gan aelodau staff y Brifysgol, gan ystyried yr agweddau addysgeg, cyfreithiol, hygyrchedd, eiddo deallusol a diogelu data. Ei nod yw darparu eglurder ar hawliau a disgwyliadau'r Brifysgol, ei staff a myfyrwyr a thrydydd partïon. Dylai aelodau o staff ei gwneud hi'n glir i fyfyrwyr bod ffyrddio'n fyw neu recordio yn digwydd ar ddechrau unrhyw recordiad.

Byddwch yn ymwybodol, os ydych yn dymuno gwneud recordiad clywedol neu fideo o sesiwn ddysgu neu addysgu, mae'n bosibl y bydd angen caniatâd arnoch i wneud hynny. Ni fydd y caniatâd yn cael ei atal yn afresymol.

Gall eich tiwtor recordio eich sesiynau dysgu ac addysgu a rhannu'r recordiadau gyda'ch dosbarth neu grŵp o fyfyrwyr i'w gwyllo/gwranddo arnynt eto yn ddiweddarach. Os yw eich dosbarth yn cael ei recordio, dylech fod yn ymwybodol o hyn ymlaen llaw. Os byddai'n well gennych beidio â recordio eich delwedd neu lais, gwnewch eich tiwtor yn ymwybodol o hyn, gan y dylai fod yn bosibl ei ddileu.

Am fanylion llawn polisi'r Brifysgol ynglŷn â recordio darlithoedd, a'r weithdrefn ar gyfer ceisio caniatâd i'w recordio nhw eich hunain, gweler Cymorth Myfyrwyr, Gweinyddiaeth Myfyrwyr, Polisiâu a Gweithdrefnau.

Cyfryngau Cymdeithasol

Sicrhewch nad yw eich profiad o rwydweithiau cymdeithasol yn troi'n brofiad annymunol.

Diogelwch eich gwybodaeth bersonol.

Gall nifer o bobl weld beth ydych chi'n ei rannu ar y safle, a gallwch ddenu sylw diangen - peidiwch â phostio eich cyfeiriad na rhif ffôn.

Gall y wybodaeth yr ydych chi'n ei phostio gael ei defnyddio mewn achos o dwyll hunaniaeth - peidiwch â phostio gwybodaeth bersonol megis dyddiad geni neu unrhyw beth a fyddai'n cael ei ddefnyddio mewn cwestiynau diogelwch banc.

Mae'r gosodiad sylfaenol ar gyfer eich proffil yn ei wneud yn weladwy i'ch holl rwydweithiau - gallai hyn fod yn gannoedd neu filoedd o bobl.

Peidiwch â phostio unrhyw beth all godi cywilydd - cofiwch gallai eich teulu, staff y Brifysgol neu ddarpar gyflogwyr weld hyn.

Cofiwch y gall unrhyw wybodaeth yr ydych chi'n ei phostio ynglŷn â chyfeillion a theulu achosi cywilydd neu broblemau iddynt.

Unwaith y caiff gwybodaeth ei phostio ar-lein, bydd cael gwared arni bron yn amhosibl oherwydd archifo a rhannu ffeiliau.

Peidiwch â phostio unrhyw beth difriol neu fychanol neu unrhyw beth a all achosi dig neu gywilydd i eraill. Gallai hyn arwain at y Brifysgol yn cymryd camau disgyblu yn eich erbyn. Dan rai amgylchiadau, gallai arwain at achos cyfreithiol, er enghraifft dan Ddeddf Ddifenwi 1996.

Cyfeiriwch hefyd at y wybodaeth yn yr adran [Aflonyddu a Bwlio](#) uchod.

Ffynonellau gwybodaeth, cymorth ac arweiniad

Bywyd Myfyrwyr a Champws

Cael mynediad at gymorth:

Cwnsela ac Iechyd Meddwl

Cyngor ar Gyllid ac Arian

Caplaniaeth

Llesiant

Cynhwysiant

Gyrfaoedd a Chyflogadwyedd

Gallwch gyrchu'r gefnogaeth hon drwy gysylltu â Bywyd Myfyriwr a Champws drwy ask@glyndwr.ac.uk. Fel arall, ewch i Target Connect ar ein mewnwyd, a mewngofnodwch am gefnogaeth. Neu dewch i ASK yn Adeilad Edward Llwyd, lle bydd y Tîm Cymorth Myfyrwyr yn gallu eich cynorthwyo i gael mynediad i Bywyd Myfyrwyr a Champws a gwasanaethau eraill y brifysgol.

Gyrfaoedd a Chyflogadwyedd

Fel gwasanaeth cymorth Prifysgol, rydym yn darparu addysg, gwybodaeth a chanllawiau ynghylch gyrfaoedd i raddedigion, y myfyrwyr presennol a phob myfyriwr posib. Rydym yn gwneud hyn drwy roi cymorth i deithiau dysgu drwy'r Brifysgol a hyd at gyflogaeth neu addysg bellach a thrwy wireddu [Strategaeth Cyflogadwyedd y brifysgol](#).

Drwy weithio'n agos gyda chyflogwyr rydym yn hyrwyddo eu swyddi gwag, cyfleoedd i wirfoddoli a gweithgareddau dysgu seiliedig ar waith. Mae rhagor o wybodaeth ar gael yn Cymorth Myfyrwyr, Gyrfaoedd a Chyflogadwyedd.

a thrwy fewngofnodi i WGUconnect, [porth cymorth gyrfa ar-lein y Brifysgol](#).

Cyllid Myfyrwyr a Chyngor Ariannol

Wrth i chi ddechrau ar eich astudiaethau a thrwy gydol eich cyfnod fel myfyriwr, mae rheoli'ch cyllidebau a'ch llesiant yn bwysig. Wrth i chi ddechrau ar eich astudiaethau a thrwy gydol eich cyfnod fel myfyriwr, mae rheoli'ch cyllidebau a'ch llesiant yn bwysig. Mae'r Tîm Cyllid a Llesiant yn ymroddedig i ddarparu gwasanaeth cymorth proffesiynol, cyfrinachol o ansawdd mewn amgylchedd cyfeillgar, anffurfiol drwy gydol eich astudiaeth. Am ragor o wybodaeth, gweler Cymorth Myfyrwyr, Cyllid Myfyrwyr a Chyngor Ariannol.

Gwasanaeth Cwnsela ac Iechyd Meddwl

Mae Gwasanaeth Cwnsela ac Iechyd Meddwl Prifysgol Wrecsam yn cynnig gwasanaeth cyfrinachol, proffesiynol a hygyrch i fyfyrwyr mewn amgylchedd diogel a chefnogol. Mae hyn yn cynnwys cwnsela un i un, gwybodaeth hunangymorth, rhaglenni hunangymorth, ac mae cwnselwyr hefyd yn cael hawl i ddefnyddio rhwydwaith cynhwysfawr o wasanaethau allanol a all gefnogi anghenion lleol. Mae rhagor o wybodaeth ar gael yn Cymorth Myfyrwyr, Cwnsela.

Gofal Iechyd

Cynghorir yr holl fyfyrwyr sy'n astudio oddi cartref i gofrestru gyda meddyg teulu lleol. Wedi iddynt gofrestru, gall myfyrwyr y DU gael eu trin fel preswylwyr dros dro pe byddant yn mynd yn sâl wrth ymweld â'u tref enedigol. Darperir rhestr o feddygon teulu lleol i fyfyrwyr newydd fel rhan o'r broses gynefino. Mae'r Adran Diogelwch, Iechyd a'r Amgylchedd a'r Undeb Myfyrwyr yn cynnal digwyddiadau hyrwyddo iechyd rheolaidd drwy gydol y flwyddyn. Nod y digwyddiadau hyn yw rhoi digon o gyngor ar fyw'n iach, yn enwedig i'r myfyrwyr hynny sy'n byw oddi cartref am y tro cyntaf. Mae hefyd yn rhoi cysylltiadau â grwpiau cymorth iechyd eraill.

Caplaniaeth

Mae'r Gaplaniaeth yma i gefnogi myfyrwyr yn ysbrydol (pob ffydd a di-gred) ac i'ch helpu chi i archwilio'r cwestiynau mawr mewn bywyd. Maent yno hefyd i wrando petaech angen sgwrs gyda rhywun. Mae Swyddfa'r Gaplaniaeth wedi'i lleoli ar ail lawr Adeilad Edward Llwyd, ynghyd â'r Ystafell Dawel, ystafell lle cewch weddio, myfyrio neu synfyfrio, ac mae'r gaplaniaeth yn cynnal cyfarfodydd addoli yn rheolaidd. Cewch wybod mwy ynglŷn â beth all y Gaplaniaeth ei gynnig, gan gynnwys grwpiau a digwyddiadau yn Cymorth Myfyrwyr, Caplaniaeth.

Gwasanaethau Cynhwysiant

Mae'r tîm Gwasanaethau Cynhwysiant yn ymroddedig i gefnogi myfyrwyr sydd ag anabledd neu gyflyrau iechyd hirdymor. Pa un ai a ydych eisoes yn ymwybodol bod anghenion unigol posibl yn sgil anabledd, cyflwr meddygol, neu anhawster dysgu penodol, megis dyslecsia, neu fod yr angen am gefnogaeth yn codi yn ystod eich astudiaethau - mae'r Gwasanaethau Cynhwysiant yma i helpu. Mae ystod o wasanaethau i'ch helpu chi yn syth o'r pwynt yr ydych yn dewis datgan anabledd neu anhawster dysgu. Mae rhagor o wybodaeth ynglŷn â'r gefnogaeth sydd ar gael ar Cymorth Myfyrwyr, Gwasanaethau Cynhwysiant.

Canolfan Gyngor Undeb y Myfyrwyr

Mae [Canolfan Gyngor Undeb y Myfyrwyr](#) yn cynnig cyngor annibynnol a diduedd ar reoliadau, polisïau a gweithdrefnau'r Brifysgol. Mae Cyngorwyr Undeb y Myfyrwyr yn cefnogi myfyrwyr i ystyried eu hopsiynau, cwblhau'r ffurflenni angenrheidiol a mynd i gyfarfodydd a gwrandawiadau gyda'r Brifysgol. Gall myfyrwyr gysylltu â'r Ganolfan Gyngor yn suadvice@glyndwr.ac.uk

Siarter Myfyrwyr

Mae Prifysgol Wrecsam yn ymroddedig i ddarparu'r gwasanaeth o'r ansawdd orau i'n holl fyfyrwyr ac mae'r Siarter Myfyrwyr yn rhoi gwybod i chi beth allwch ei ddisgwyl gan y Brifysgol a beth y gallwn ddisgwyl gennych chi. Credwn mai er mwyn cyflawni ein gweledigaeth, mae angen i ni greu cymuned ddysgu, sy'n dangos parch at y ddwy ochr a bod ein myfyrwyr yn chwarae rôl allweddol yn natblygiad cyfleoedd addysgol o safon uchel sy'n agored i bawb.

Nid yw'r Siarter Myfyrwyr yn ddogfen sy'n eich rhwymo'n gyfreithiol; datganiad o fwriad ydyw sy'n disgrifio prif nodweddion y Gymuned Ddysgu mae Prifysgol Wrecsam yn dymuno ei sefydlu.

Mae copi o'r Siarter Myfyrwyr ar gael ar y Porth Myfyrwyr ac ar wefan Undeb y Myfyrwyr.

Gwobrau Myfyrwyr

Dyfarnir nifer o wobrau myfyrwyr bob blwyddyn. Mae gwobrau yn adlewyrchu gwaith eithriadol o lefel gradd sylfaen i lefel PhD ar draws yr ystod lawn o bortffolio academiaidd y Brifysgol. Mae rhai gwobrau ar ffurf arian, ac mae'r cwbl yn adlewyrchu ymrwymiad Prifysgol Wrecsam i gydnabod gwaith caled a lefelau cyflawni uchel ein myfyrwyr. Os oes gennych ymholiadau mewn perthynas â chymhwysedd ar gyfer gwobrau, gwiriwch gyda'ch Arweinydd Rhaglen.

Cofnodion Myfyrwyr

Mae gan bob myfyriwr ym Mhrifysgol Wrecsam ei Rif Myfyriwr ei hun. Caiff y wybodaeth ei chadw'n ganolog gan y Gyfarwyddiaeth Cynllunio Strategol a Gweinyddiaeth Myfyrwyr ac mae ar gael, fel sy'n briodol, i Arweinwyr Rhaglenni.

Gallwch weld rhannau o'ch cofnod myfyrwyr ar-lein drwy'r ddolen Cofnod Myfyriwr drwy borth MyUni. Os nad yw'r cofnod hwn yn gywir, mi fydd y porth hwn yn eich galluogi i ddiweddarau eich manylion personol.

Eich cyfrifoldeb chi yw sicrhau bod y wybodaeth yno yn gyfredol a manwl gywir. Gallwch newid eich cyfeiriad ar-lein gan ddefnyddio'r cyfleuster 'Gwirio eich cofnod myfyrwyr'. Os ydych yn newid eich enw neu'n trosglwyddo rhaglenni, mae'n bwysig eich bod yn rhoi gwybod i'r Brifysgol yn ysgrifenedig neu drwy bori drwy'r adran Ffurflenni ar y tudalennau Gweinyddiaeth Myfyrwyr, drwy'r Porth Myfyrwyr.

Cyflwyno Aseiniadau Gwaith Cwrs

Cyflwyno'n electronig drwy VLE MyUni yw'r ffurf ofynnol i fyfyrwyr gyflwyno gwaith cwrs, oni bai eu bod wedi cael caniatâd penodol ar gyfer dull cyflwyno arall ar gyfer rhai modiwlau neu elfennau, e.e. cyflwyniadau. Mae rhagor o wybodaeth ar gael drwy'r Porth Myfyrwyr.

Addasrwydd i Ymarfer

Gweler yr adran [Camymddygiad](#) yn y canllaw hwn.

Atal astudiaethau

Yn ystod eich astudiaethau, mae'n bosibl y byddwch yn profi amgylchiadau sy'n ei gwneud yn anodd i chi barhau ar eich rhaglen. Os ydych yn ystyried atal eich astudiaethau, dylech siarad â'ch Arweinydd Rhaglen a fydd yn gallu eich cynghori chi am sut i ddatblygu ac a oes gennych sail ddigonol. Byddwch yn ymwybodol y bydd rhaid i geisiadau i atal eich astudiaethau gael eu cytuno'n ffurfiol gan y Brifysgol; bydd rhaid i chi wneud cais i atal eich astudiaethau a chael cymeradwyaeth gan eich Arweinydd Rhaglen (a'r Tîm Cydymffurfiaeth Mewnfudo os ydych yn fyfyrwr rhyngwladol sy'n cael nawdd).

Sail dros atal

Dyma'r seiliau y gall myfyriwr atal ei astudiaethau:

- Iechyd
- Ariannol
- Amgylchiadau personol eithriadol
- Absenoldeb mamolaeth neu dadolaeth

Mae rhagor o wybodaeth ynglŷn â'r Polisi Atal Astudiaethau i Fyfyrwyr ar gael ar y Porth Myfyrwyr.

Mae'r ffurflen Atal Astudiaethau ar gael yn yr adran Ffurflenni ar y tudalennau Gweinyddiaeth Myfyrwyr, drwy'r Porth Myfyrwyr.

Amserlenni

Cynghorir myfyrwyr i ddefnyddio amserlen academiaidd y Brifysgol, a'u hamserlenni unigol i fyfyrwyr fel eu ffynhonnell ddiffiniedig o wybodaeth amserlennu. Mae'r amserlen, a rhagor o ganllawiau ar gael drwy'r ddolen i Amserlenni ar borth MyUni.

Turnitin

Fel myfyriwr, mae'n bwysig eich bod yn dysgu i gyfeirio eich gwaith yn gywir; fel arall mae'n bosibl y cewch eich cyhuddo o lôn-ladrata (gweler yr adran uchod ynglŷn â Llôn-ladrata a Gonestrwydd Academaidd). Fel myfyriwr ym Mhrifysgol Wrecsam, gallwch ddefnyddio meddalwedd o'r enw Turnitin fel adnodd datblygiadol i helpu i ddysgu am lôn-ladrata.

Mae Turnitin yn ddarn o feddalwedd sy'n eich caniatáu chi i uwchlwytho'ch darn o waith ac mae'n dangos tebygrwydd rhwng eich gwaith chi ac eraill yn ei gronfa ddata. Bydd rhagor o wybodaeth ynglŷn â Turnitin, sut mae'n gweithio a sut caiff ei ddefnyddio yn y Brifysgol ei rhoi i chi gan dîm eich rhaglen. Mae'n bosibl y bydd tîm eich rhaglen yn gofyn i chi gyflwyno eich aseiniadau drwy Turnitin fel bod ganddynt gopi electronig i'w farcio ac er mwyn iddynt weld adroddiad tebygrwydd os oes ganddynt bryderon ynghylch eich gwaith wrth ei farcio. Mae rhagor o wybodaeth, gan gynnwys sut i ddehongli eich adroddiadau tebygrwydd, ar gael ar dudalennau Sgiliau Dysgu ar y safle Cymorth Myfyrywr, drwy borth MyUni.

Myfyrywr Cymraeg

Er bod y rhan fwyaf o'n dysgwyr yn siaradwyr Saesneg, clywir Cymraeg gan nifer o'n myfyrywr a'n staff. Mae darpariaeth drwy gyfrwng y Gymraeg yn rhan bwysig o Strategaeth Cefnogi Dysgu a Chyflawniad Myfyrywr y Brifysgol.

Waeth beth fo iaith addysgu modiwl, mae gan yr holl fyfyrwyr yr hawl i gyflwyno'r holl waith ysgrifenedig ac arholiadau yn Gymraeg. Os yw'n well gennych gael eich asesu yn Gymraeg, dylech gysylltu ag Arweinydd eich Rhaglen a fydd yn gallu trafod hyn gyda chi.
Polisi Tynnu'n Ôl

Mae polisi'r Brifysgol ynglŷn â thynnu'n ôl wedi'i ymgorffori yn y Polisi Presenoldeb ac Ymgysylltu Myfyrywr sydd ar gael yn Cymorth Myfyrywr, Gweinyddiaeth Myfyrywr, Polisiâu a Gweithdrefnau.

Mae hwn yn cynnwys yr holl wybodaeth sydd ei hangen arnoch os ydych yn ystyried gadael y Brifysgol.

Os ydych yn ystyried gadael, anogir chi i geisio cyngor gan Arweinydd eich Rhaglen mewn perthynas â materion academaidd a chan eich Tiwtor Personol neu'r [Tîm Cymorth Myfyrywr](#) ynghylch unrhyw broblemau personol neu ariannol. Mae hyn yn eich helpu chi i archwilio'r holl opsiynau, gan gynnwys gohirio'ch astudiaethau, trosglwyddo i raglen arall neu newid y dull astudio. Unwaith y byddwch wedi penderfynu gadael, rhaid i chi ac aelod o staff perthnasol gwblhau Ffurflen Tynnu'n Ôl. Mae'n bosibl y bydd gofyn i chi fynd i gyfweiliad ymadael gyda'ch Tiwtor Personol neu Arweinydd eich Rhaglen er mwyn deall y rhesymau pam yr hoffech adael. Bydd hyn yn caniatáu'r Brifysgol i ddeall pam bod myfyrywr yn tynnu'n ôl ac felly, bydd yn sail i ymarfer y dyfodol. Mae'r polisi llawn ar gael yn Cymorth Myfyrywr, Gweinyddiaeth Myfyrywr, Ffurflenni.

Mae'n bwysig i chi ddilyn y weithdrefn hon os ydych yn dymuno gadael; os nad ydych yn gwneud hynny, mae'n bosibl y bydd gofyn i chi barhau i dalu ffioedd. Gall y dyddiad penodol yr ydych yn hysbysu'r Brifysgol am eich bwriad i dynnu'n ôl effeithio

ar swm y ffi y bydd rhaid i chi ei thalu a dylech hefyd ddarllen yr adran ynghylch Ffioedd a Chyllid os ydych yn ystyried tynnu'n ôl oddi ar eich rhaglen. Dylech hefyd ystyried sut y bydd tynnu'n ôl yn effeithio ar eich benthyciad myfyriwr neu fwrsariaeth os oes gennych un. Bydd y Tîm Cyllid Myfyrwyr a Chyngor Ariannol yn gallu eich cynorthwyo os bydd angen rhagor o arweiniad arnoch.

Os nad ydych yn ymgysylltu â'ch cwrs drwy fethu darlithoedd, seminarau neu weithdai, yna mae gan y Brifysgol yr hawl i'ch tynnu chi'n ôl am beidio ag ymgysylltu. Os nad ydych yn ymgysylltu, byddwn yn cysylltu â chi i ofyn pam nad ydych yn ymgysylltu a bydd gofyn i chi fynd i gyfarfod gydag Arweinydd y Rhaglen er mwyn trafod unrhyw faterion neu broblemau yr ydych yn eu hwynebu, yn ogystal â'r gefnogaeth sydd ar gael i chi. Os nad ydych yn ymateb, yna byddwn yn ceisio cysylltu â chi eto. Fodd bynnag, os nad oes ymateb gennych, yna bydd y Brifysgol yn tybio eich bod wedi tynnu'n ôl oddi ar eich cwrs.